

溫河系(圖)分錄

(老楮)分疆錄十二卷

共 6 册 存 6 册 排架号 05111

分疆錄

浙甌梅師古齋鐫

分疆錄

光緒戊寅彫
望山堂臧板

序

吾溫郡志及各邑志惟樂清簡潔有體餘皆陋畧訛謬
百出固由兵燹迭經文殘獻闕亦主斯事者大抵奉檄
趣辦纂修採訪鮮得其人而又急於成書鹵莽滅裂而
不之顧此則官書之通病也泰順志修於雍正時荒穢
尤甚余老友林太冲廣文屢爲余道之後聞其有分疆
錄之作未脫稿而老病相尋遽歸道山矣蓋泰順設縣
始於明景泰三年分我邑之義翔鄉平陽之歸仁鄉合
而爲縣舊志區畫不明彼此牽混至斯錄所稱鄉賢祀
典之謬某大合借大工採木之名營私漁利而又欺飾

永嘉縣立民
眾教育館藏

盜名自書勞績於冊使非有遺老流傳私家紀載其孰從而知之更數百年清議久而愈湮不幾以佞爲賢以貪墨爲循良三代直道不從此盡泯哉觀斯二者則舊志之不足信者多矣廣文生於其鄉篤學博覽自少壯時得見雍乾間老成碩彥多識故實而其好善不倦疾惡如讐本於天性因而發憤爲此宜也況志之失修又百四五十年於茲其間政刑之因革風俗之變遷衣冠言行山林譔述歲有增積卽先代遺書殘刻久而後出者間亦有之失此不圖後益難考亨甫名父子旁蒐博證續成斯編誠繼志述事之大者也刻旣成郵寄余兄

敘

羅陽林太沖先生古之振奇人也於學無所不窺尤究心當世之務嘗出佐粵西學使者幕會時事變起省垣被圍當道者以守城功登荐牘銓補澱溪司訓適寇擾浙東率諸生守禦其歸田也寇氛逼近鄉關先生年已老命其子用霖督團扼隘堵截先後指授方畧境賴以安見所箸望山堂詩鈔中皆實錄也生平著作甚夥尤要者爲分疆錄一書泰邑自前明景泰間割瑞平二邑之遠鄉設縣其華離之地志乘不詳遂致界址混淆人物舛互先生憂之竭十數年心力條分縷析如指上羅

分疆錄 序
紋可謂勤矣又以舊志主脩非人紀載失實恐年代久遠將有以非爲是以不肖爲賢者關係世道人心匪淺故發憤爲此排陷而廓清之使後之脩志者有所據依嗚呼以先生而入史館其是非當不謬於聖人能爲一代信史無疑也惜乎懷才不遇僅以區區一邑掌故之書表見於世不亦重可慨哉嗣君能讀父書踵成之以承先志此不朽事也先生可無憾矣余故樂爲序之以誌後之讀是書者

光緒五年己卯秋七月知温州府事枝江張盛藻序

弟於金陵徵序余兄以文書勞午不暇爲轉以命余遂爲書數言於簡端歸之時光緒五年三月止叟孫鏘鳴書於鍾山講院

分疆錄總目

卷首

原始

凡例

總圖

卷一

輿地上

星野

疆域

山川

卷二

輿地下

山川

古蹟

冢墓

風俗

物產

卷三

建置

城池

附街市

公署

學校

倉儲

水利

附井泉

津梁

關隘附亭 營汎附塘 壇廟附寺

卷四 職官

縣職 學職 佐職

武職 名宦列傳

卷五 選舉上

進士 舉人 諸科

卷六 選舉下

貢士 武科 軍功

貨叙 封典 恩蔭

吏員附儒官 農官

卷七 人物上

儒林 忠烈 名臣

宦業 風節 孝友

卷八 人物中

義行 文苑 鄉逸

寓賢 方技 人瑞

卷九 人物下

列女孝婦 烈婦 貞節

卷十 雜志

經籍 金石 軼事

小圖錄 卷之百 總目 二

卷十一藝文上

時變補遺

祥瑞

災異

賦

序

記

議

說

銘

傳

碑文

卷十二藝文下

書

詩

分疆錄卷首

邑人林

鷗纂輯

男

用霖續編

同里董憲曾參校

原始

分疆錄何為泰順設縣著也縣設自前明景泰實分瑞
安平陽遠鄉合而有縣其初定界立治官書寥寥數語
而已初未有志錄則分猶未分也聞嘉靖有志未見其
書鄉前輩董霞雉先生云明萬厯間邑令王克家始有
修志之舉永嘉侯方伯二谷一元兄弟總其事序中謂
泰順故有志其文蕪瑣今則并蕪瑣者而亡之矣萬厯
去景泰已遠文獻無徵特借題著書文理甚優事實疏

簡錄板久失崇禎六年邑令涂鼎龜曾一修之而今並無是書想因頻遭兵燹故無存者三雍正己酉去書既又百餘年文獻益亡矣而縣令朱國源爲之志益簡且陋或曰朱實卽崇禎舊稿而增改之然不可考證今書雖存識者以爲有志如無志也後乾隆間某令與城於繆某設局修志廣斂入都金錢以三百金與幕友之執筆者餘悉靡散吞沒而書不成乾嘉之交城中人才輩出曾復齋師家居十年品學兼優羣以此事屬望而令非其人僉謀難協迨人才凋謝時事日非更無倡議者矣昔南宋之盛也瑞平科甲興起山鄉無地無之家有

善譜宜邑有詳志無如屢經兵燹世家式微文獻易亡自分縣後復閱前明十世本朝七葉之久乃僅存此簡陋無徵之雍正志自茲以往世變且未可知縱有鴻儒志士惡能憑空結撰而爲之志哉余年七十有三矣歸田無事不揣鄙陋姑就府志及瑞平志中山川人物古蹟之在今泰順所分地者足之以耳目所及故老所傳彙爲之書以爲它日縣志嚆矢歷敘吾鄉缺志之故先以白余不得已之苦衷也部民僭妄之咎庶有能諒而恕之者歟同治四年七月之望林鵬書於中山書院之大雅堂

泰順所分地瑞安之義翔鄉平陽之歸仁鄉也實則皆山谷而已其山自括蒼分支入境蔓衍廣袤南北百二十里強東西倍之左隸瑞安界青田景甯右隸平陽界福建之霞浦福鼎福安壽甯唐以前僻在荒服中多老林供郡國材用而已實閩括間甌脫也至唐始有山民燒畚闢壤漸興賦役及唐末之亂賦役重民不堪命流亡入山者愈多則百落千村皆武陵之桃源矣時藩鎮從衡強辟朝官為佐於是閩越有志之士挈家入山請於刺史烈山導泉墾田均賦定界立戶始有義翔鄉五都十二里歸仁鄉三都六

里之目

義翔鄉五十六五十七五十八五十九六十一共五都 歸仁鄉三十八三十九四十四共三

都前後入山著籍者凡十八大姓

義翔鄉如莒岡夏庫村吳包阮包陽

包箬陽毛池村池大住左窟方羅峯董及宋南陽江仙居木棉徐葛陽陶歸仁鄉如夾嶼大安龜巖張篠村四溪林陳陽陳夾嶼章峯蔡東溪會葉嶼陽葉周邊周皆是也 開山立業至今八

九百年子孫尚多聚族而居自宋以後生齒日繁文物漸盛科甲肇興人才輩出至南渡之盛山中土著遂多為瑞平世家巨族矣而後人修志書採訪者據實呈局往往泥舊志駁歸瑞平二邑似分地不得分人者泥建置之名遂沒其生長之實是謂魯鄒有孔孟不得為曲阜嶧縣人也不已廷乎惜宋末地多穢

腥世家屋散元末復遭寇擾文物愈衰遺黎流徙圖籍散亡墟里荒涼習俗樸陋迨明祖掃穢定鼎斯民僅安耕鑿寂無顯者賴故家讀書知義蔚爲淳風自分縣後培養蕃息科甲雖稀庠序頗稱得人士習民風猶爲近古云

瑞平之分爲泰順也事在前明景泰三年而所以分治之故不自景泰始也明初開礦各省民多苦之閩浙山水氣衰礦苗尤薄銀課不敷則均派民田計畝科納而民益病及言者諫止封禁奸民聚而不散遂多私商爭相仇殺官禁不行弊益不可勝言其時銀

礦之在閩界者曰馬尾曰馬頭曰黃社在平陽歸仁鄉者曰龜伏曰石門下曰淨水曰焦溪諸礦雖封禁處州礦徒仍復私開官兵至則潛藏去則復聚適朝廷有土木之變民心思亂福建沙寇鄧茂七流入甌括竄據官臺山焚掠近山諸邑羅陽尤受其害時閩有某千戶搜礦礦徒拒捕戕官遂退聚羅陽言回括率衆至平陽借糧官兵圍捕遂蟠據羅陽自白溪至交陽口稱十八社溫郡調官兵入山勦之諸社設伏交陽口山兵入遇伏盡殲無一還者景泰元年布政使孫公原貞始調大兵按察使軒公輓駐莒岡先

經羅陽義民董永達董永遠舊志有董承遠另是一人在孫公處控告處士林國復詣轅獻策乃檄羅陽潘尹序華峰張元高陽劉承鐸等協力撫諭礦徒以攻沙寇入山擣巢官兵繼之一鼓殲旃餘寇悉平孫公以一鄉地廣民稀嶺峻林密慮終爲盜區乃於景泰三年奏准分疆設縣立治羅陽至嘉靖始爲之城此泰順有縣之緣起也

分疆錄凡例

一斯錄之作不得已也曷爲不得已以志書失修恐愈久而文獻益亡也志曷爲久不修前志誤之也前志主者非人數月之間倉猝而成採訪旣多疎漏筆墨尤爲庸俗鄙陋穢褻不堪卒讀當時識者旣隱忍不敢言後之有心者雖欲改而難舉故至百四十餘年迄不能修在乾嘉之盛且然自茲以往恐愈難矣以此不揣固陋勉爲實錄冀他日修志以此爲老馬之導知我罪我在後之有識者

一凡志書類有圖繪茲不及備僅將用霖杜繪開方

一圖並圖說附綴於卷

一分疆首重輿地邑雖偏在郡西星野纏度僅差分數茲遵郡邑各志畧加攷證分古測今測著於圖一疆土以山川定界舊志列山川錯雜無紀且有山在秦轄府志仍誤載於瑞安茲錄並加訂正以歸於實川流則就入瑞入閩二派溯源別流詳爲分晰古蹟冢墓列後凡有題詠各附本題之下

一邑地舊在平陽歸仁鄉者三都在瑞安義翔鄉者五都設縣後雖仍作八都其間犬牙交錯不無互易處茲錄分列四隅十三圖所屬村庄各庄之下

分別註明某地舊屬義翔鄉第幾都某地舊屬歸仁鄉第幾都而各地仍依舊名具見古今地名辨一邑在閩楛之交風俗不無龐襍然倫紀典常尙有足述舊志失之太畧茲分別而詳晰之以見風土與世道人心相維係其間興降之故可默會焉物產卽附其後

一建置自設縣至今遞有興廢舊志已載者仍之有附會者闕之其在近時踵增者備書於卷他日修志可與舊志互參尙有缺畧仍可補入若附載諸欸各以類從有題詠亦附焉以便繙閱

一賦役舊志已經詳載以後或增或裁具有全書且則例綦嚴恐有差誤不敢妄綴他日修志考之官書可也

一官師爲一邑之長自宜詳載奈自雍正六年以後惟歷任學師尙有題名可稽若縣職佐職營弁歷任姓名已難確紀今祇就故老流傳及他所紀載與身所及見者不分實任署缺彙列於卷其前後序次亦難盡悉尤恐尙多遺佚他日修志宜於六房檔案求之或能詳審至於名宦舊志有傳者因之以後確有惠政及民遺愛足述者凡十四人皆平日聞之前輩老成及近今羣所感頌者因爲之傳備綴於卷

一選舉爲文物出身之始紀載自宜詳明舊志類多舛漏茲經旁參互證詳加攷核譌者正之遺者補之科目仍照朝制分列其所產之地歷官之次及有見於他書者並於名下著明若有刊誤卽附其後而軍功賞叙封蔭亦彙存焉

一人物爲間出之英典型所屬不可泯沒亦不宜濫廁必其德業行誼確有可述而品第亦各有不同自宜分別紀錄舊志旣多混列且有冒濫而當入

者反多遺漏茲就宋明以還先正中審其品誼旁
徵博引參互考證或仍或補各以類從入祀鄉賢
者卽附詳於本傳至乾嘉以來諸人多平日聞之
先輩月旦父老口碑及通儒傳贊所述善蹟有徵
乃爲登載不敢稍存已見識者當自知之

一閩賢節烈吾邑頗多茲有補入宋明時人皆採之
各族世傳確有實行可徵其舊志所載亦有官司
給扁無建坊者仍舊錄之其在晚近不論已旌未
旌亦並收入若賢母而有實行可徵者亦並錄以
爲女士式但山陬僻壤訪未及徧倘有遺漏修志
時尙望細訪以補不逮

一舊志選舉人物各卷如董甲溪鄭立七之類舍其
名而書字及行第者頗多茲悉改正他日修志幸
勿再誤

一志錄例有襟志一門亦人事得失之徵舊志載時
變脫畧失實茲經博採旁證且加詳焉惟祥異久
遠難得其實姑就見聞所及錄之若遺聞有足述
者別爲軼事附於卷中

一經籍爲著作之林吾邑僻在深山頻遭兵燹昔賢
專家之書久已失傳間有一二存者或在外省及

四庫所藏明以後惟夏大輝漁樵詩說見存稿本

足稱淵雅其餘類多韻語精純者勘姑照府志例

列目以存其畧而家集亦僭附焉

金石文字
即附其後

一藝文在宋元明初既不多覲設縣後足採者亦勘

舊志所收尤多俚俗茲就平日所見採之除附錄

於山川古蹟外其餘另為彙編若舊志中有關建

置文雖早弱亦並錄以存舊蹟附會者概不混入

一茲錄各卷有承舊志而刊誤者有舊志失載而增

補者皆係遍尋昔賢文集以及石刻參之遠近志

書務得其實即採之族譜記傳亦必係古本審其

文理雅俗確係古人手筆官制事蹟與時代畧無

舛繆或別有互見參核無訛始為採入頗費苦心

誠知訪古視訪今為倍難也他日修志具有真識

而懷實心者再加詳訪補缺訂譌則尤區區所私

祝也

右十五則 先徵君分疆錄之大凡也 先君自

少獲見雍乾時鄉老成碩彥多聞故實平日讀書

閱歷亦復留意遺聞常念志乘訛繆失於釐正而

耆舊日就彫零恐文獻久益無徵不得已而纂斯

錄為將來修志標準始於庚申之夏時就養溫麻

因偶論吏治為不肖言邑 大令李公汝麟陳公

先登之良乃首書二公政績遞及以後諸公治行

之足述者為名宦卷繼遂舉乾嘉以還鄉哲行誼

較著者分別錄之歸里門乃取平昔劄記輯宋明

國初諸先賢列女補成人物卷又攷郡邑各志核之

羣籍輯輿地建置職官選舉各卷乙丑掌教中山

文課之暇乃為原始一篇冠於卷首復錄雜記於

卷後稿雖草創然需補訪者若輿地則山川古蹟

冢墓建置則水利津梁選舉則貢士貲叙封典人

物則鄉逸人瑞列女雜記則軼事祥異也至於藝

文固未及彙祇就舊志原本審當存者於本題下

注一錄字他有所採則別紙列其目以待鈔焉自

謂天假之年書必可成矣自是比歲多疾然猶時

有筆削甲戌遽爾棄養病中猶時以補採為屬不

肖日侍左右固未遑也迨乙亥小祥後聞將修府

志而廣文載師復以東甌金石志命為採訪因茲

歷各鄉徧訪二閱月後復加細採得足補前各卷

之闕者備錄而續之並藝文成十二卷中間體例

一遵 先君舊稿惟編次人物上卷僭分風節一

目列女卷亦分為五類雜志則增金石一目其餘

分界金
卷之六首
悉體 先君志不敢稍有違悖以干冥譴也書成
有日爰書緣起以誌 先君之苦心云光緒戊寅
上元用霖謹識

地輿全圖

附圖說

崇山峻嶺... 在關郡西南界連八縣四...
 域羣峰... 路亦多險阻界以內諸...
 山稍低... 處山重水複民多聚族...
 居雖土... 而民貧然風俗素號敦樸...
 兵燹前... 警多由閩括而劫頗重皆係革除之際...
 人心不... 近來風氣漸薄人心不古兩經粵寇近...
 此而可... 在於此歟茲因家居之暇爰仿開方...
 繪為此... 不虞之用圖每方以三十里為準...
 鄉村按... 注其道路通外縣者要道用黃點其...
 餘間道... 內各鄉亦如之其餘要道用黃點其...
 夷不同... 在邊疆宜加詳說邑城偏在正西...
 城十里... 內自下而上界外甚平惟過界十...
 里為壽... 嶺有險可據故咸豐八年西南有...
 警曾進... 此其南郊之霍港渡乃東溪頭尤為...
 道亦不... 越二十里至壽之庫坑嶺始為扼...
 八年亦... 西北上標一路界外山皆自...
 荒僻為... 龍巖嶺風門切最為險要故八年...

之警俱扼重二處又北面石佛嶺間道自上臨下嶺...
 外則為景甯地却有險可守而離界甚遠有警亦當...
 與彼連絡也蚊蟲壘隘當道處雖險然左右山尚有...
 可進處... 設伏亦易守青田一面石柱寨及峨...
 羊腸鳥... 其餘陳洋山頭黃壇坑一帶青田山勢從黃...
 增趨下... 處險可通最不易守同治二年青田不守賊...
 至近界... 塘宮步南向一帶居民皆預備退過大溪...
 南岸與... 鄉團協守石樓梯馬跡嶺曉峴石柱...
 嶺南向... 則最扼要稽洋龍關朱坑頭三十六...
 排四處... 平陽一面三洋分水排及碩嶺最險石...
 湖洋及... 山徑叢雜必於內地如玉塔峰門各...
 處節節... 形勢散漫宜加築土城然尤須深溪...
 亦最險... 費力前明林田公禦倭寇僅守界上...
 交陽嶺... 他若墩頭汎黃家洋隘下排嶺頭...
 以失險... 勢平衍道路紛歧閩疆有警則此...
 竹圍等... 山勢非守地也其正南一面如章坑...
 面極不... 忽蓋戰地非守地也其正南一面如章坑...
 龜伏野... 嶺萬家渡各處皆上據高山下阻深...
 谿閩浙... 然天險也至於界內各鄉路徑皆通...

亦多險仄無不可以設伏出奇備有外患能村村同
心守望相助則地利人和兼至矣所冀者良有司除
暴安良庶奸徒緝於內蕭牆無虞外何足樂哉此則
杞人所私祝因附圖說而詳及之昔同治甲子端陽
後一日邑人林
用霖繪并識

分疆錄卷之一

邑人林

鶚纂輯

男

用霖續編

同里董憲曾參校

輿地上

邑地間在閩括之交不啻坤輿之一塊然揆之保
章氏星土之義亦自上應天文而幅員二三百里
其間崇山曠谷交錯回環誠爲海表輿區地雖僻
而民稀土雖瘠而產薄風俗卽有古今之異比之
通都大邑尙不離乎渾樸在我
朝覆幬之中未嘗非善壤也

星野

泰順地在甌括之交分野所直當在星紀史記天官書南斗牽牛須女皆爲星紀在丑爲越分漢書地理志吳地斗分野粵地牽牛須女分野晉天文志自南斗十二度至須女七度爲星紀班固志星紀起斗十一度至須女七度費直起斗十度終女六度蔡邕起斗六度終女二度一行起斗九度終女四度唐志南斗在河下流當淮海間爲吳分宋書天文志會稽入牛一度永嘉屬牽牛四度明一統志溫州斗牛女分野以上諸家起度不同要不越斗牛女間其於星紀一也至丙緯祕言斗五度溫瑞安入六分之八斗二

十一度瑞安入五分之七藏書集要云東甌溫州在斗十四度丑宮舊浙江通志溫州古測斗牛分野今測斗六度分野則是溫州專入斗矣再按晉志東甌五星在二十八宿之外宋志亦云東甌五星在翼南與步天歌訣翼十九度二十二星之下有五黑星主東甌其說同若乾象新書屬張宿武密書屬翼宿俱在鶉尾之次與星紀異舊按斗牛女吳越之總星也若以一郡分言之不惟專屬一星且專屬星之一度也攷漢以下諸家吳越皆以斗爲占第斗一度直二百五十里則一千里歷四度浙一千七百餘里不及

南斗之半則浙皆屬斗明矣浙屬斗甌亦屬斗廣輿
記曰溫州城當斗口今城爲斗城山爲斗山以星紀
析之定以今測則甌屬斗爲是甌屬斗瑞亦屬斗又
舊志曰諸家記吳越揚州雖起度不同要不越於斗
牛須女間此次舍之正星也至於翼南東區五星是
爲一方專星惟東甌主之而他郡不與焉此錄瑞安
志平陽志
同愚按以上說博引諸家而主今測屬斗蓋指郡城
言至謂浙江一千七百里不及南斗之半以斷浙皆
屬斗誠非確據按揚州地起淮海秦之會稽郡最爲
遼闊至浙東金華已應婺女似不得謂浙皆屬斗也

蓋古度日躔在虛危之交當元枵之中故星紀當斗
牛女天老恆星西移今日躔在女三度當元枵之中
則星紀當箕斗之全江南當在箕浙江當在斗金華
亦非復屬女矣此殆今測之所以異歟按今泰順城
在瑞安之西南三百里向郡北行又七十里地連括
爲甌源頭星野當與郡同在斗也今閩福寧志分野
在牛山與泰順相連今測亦宜屬斗爲是

斗口五小星專主東甌之說府志兩存不辨以天道
遠難知耳然可以理度也星野之說古人多疑之然
左傳所誌災祥徵驗不爽唐一行云懸象在天本乎


在地星之與土以精氣相屬而不係乎方隅分野
 有理可憑也以吾甌僻遠而有五星專主自唐以後
 隱而不見則溫州危矣何以前此僻陋無聞至唐以
 後星隱而地始顯哉無是理矣且既主斗復主小星
 是兩岐之說也愚謂星為少陽之精應地為少剛之
 石無星處為少陰之辰應地為少柔之土星躔所在
 星少而辰多南斗二十三度餘直地下近六千里溫
 州城當斗口之辰所直無幾不必在小星處也既立
 斗說小星之說可刪

星野圖

步天歌云斗六星如箕三宿俱屬星紀之次分今測古測依

省志繪圖如左

古測溫州
 斗牛分野
 今測溫州
 斗分野



時憲書牛七度
 四十分
 斗二十三度五
 十三分

右星野圖瑞平二志不同瑞志斗口向右平陽乾隆
 戊寅志斗口向左今從之若今新度星紀之次自尾
 十四度入丑合二度歷箕九度餘十九度悉屬南斗
 尚餘四度半入元枵之次則溫州屬斗無疑矣

錄地緯度經度 瑞安舊志

〔府志〕揚州星分南斗牽牛須女地最遠闊占驗最難而東甌五小星前代已隱不見志書所引皆虛談耳惟地有緯度即北極高度以準南北可考太陽出入晝夜長短時刻之真又有經度以京師為正中其地偏東偏西可考節氣時刻先後之實此官民所共用載於時憲者我

朝幅員廣踰前古測量算法最精今依

皇輿圖列經緯之度於後

溫州府城北極高二十八度 謹考京師北極高三十九度五十三分杭州

省城北極高三十度極漸低故杭城視都

度以一度之里數推之瑞城去溫城七十里北極高二十七度餘數分

經度偏東四度餘數分 按各省交氣時刻視距

西者見太陽過宮早故節候亦遲杭城係偏東三度餘見太陽過宮遲故節候亦遲杭城係偏東三度餘數分溫城視杭城為稍東半度應法每距一度加減四分推之浙江交節時刻視京城加一刻溫州又加二分瑞安節氣與溫城畧同

以上錄舊志今據金華張太守作楠考定經緯度

如左

溫州府城北極高度 二十八度 偏東 四度二十一分

瑞安縣城北極高度 二十七度 偏東 四度十七分

分置錄 卷之一 輿地 星野 五

平陽縣城北極高度

二十七度四十一分

偏東

四度十分

泰順縣城北極高度

二十七度三十五分

偏東

三度二十分三抄

疆域

濫於古為東甌國越裔之所保南連閩疆初不通中原也秦末閩君騶搖通於漢祖以功封東海王地始內屬漢武時為閩蠻所攻求救武帝為征蠻而遷其民則知甌素為淳俗三國屬孫吳六朝為永嘉郡安固隸焉晉分安固江南為始陽改橫陽後為平陽明復分瑞平西南山鄉為泰順舊志序一則曰巖邑再則曰巖邑豈民風獨殊哉特以深山險遠屢為土寇

所覩耳

本朝自耿變後沐

化二百年蔚為文物之邦道光以還吏治不修泰順界外瑞平港鄉較多莠民而界內尚能畏法迨粵寇入江南人心愈肆瑞平港鄉遂有金錢會匪之禍泰屬賴民團以免豈非設縣之明效歟就今而觀不惟非巖邑且為福地矣所慮者干戈未息民力將竭瘡痍難復泉貨不流四民俱困以致人爭末利不知本義釀成殺機山邑土瘠民貧患在人滿全賴鄰縣覓食今已坐困人心難平惟恃年穀順成官長明哲歲延

一歲日保一日一遇荒歉外患未來內難先起吾恐復如明末清初之子遺寥寥也山鄉土薄氣運不長難振易衰自宋以來已再轉渾沌矣監往知來有心人其念諸

本縣疆域東西廣二百四十里南北袤一百二十里

東至平陽北港一百四十里

南至福建福安界八十里

西至福建壽甯界一十里

北至景甯界一百三十里

東北到瑞安三溪一百一十里青田界九十里

西南到福建壽甯界一十里

東南到福建霞浦福鼎界一百一十五里

西北到景甯及福建壽甯界八十里

驛程自縣治東北至府城三百七十里陸路出諸暨至省城一千里水路至省城一千五百里至

京師五千里

縣治初爲羅陽鎮勢據西偏後倚天關山高挿天半左降爲鳳皇山橫張若翹分枝層疊迤邐而入張華蓋形縣署枕其下署前起萬羅山踞縣正中故鎮名羅陽左有飛龍山卽幹龍環抱至縣前右

有舞鳳山自天關右展下抱直趨水口外限壽甯
左水北東二道入城合抱縣前右水自白溪出南
陽平溪合左水出口壽甯之苾阮尖卓立當門內
寬外密形勢特為雄秀故設治數百年來無大灾
稔居民安樂蕃息云

城內為坊六

承宣坊

太平坊

士林坊

今名舊學底

登俊坊

永安坊

今名毓秀

文明坊

四隅

舊止分東西隅康熙四十年知縣曹公紳分編為

四隅金編八都共為十七圖與舊稍異

東隅

三陽

方家洋

交陽口

赤沙後

南隅

平溪赤坑

溪尾

西隅

大深洋

溪坪

南陽底

白溪

東源

北隅

沙底上稔

半陽下稔

上莊芎陽

嶺下陽疇

三灘

仙居

以上四隅俱屬舊義翔鄉五十九都

八都十三圖

一都

統圖二共五十五村後起小地名并入大村不贅

池村

今名司前

石柱源

員洲

潭邊

裏莊

上地

楊寮

景甯界

五島

分疆錄

卷之一

輿地

疆域

八

葉山 楹陽 連山 碑排

陽阮沉 蕭條 左溪 梨樹坵

嶺北景甯寺甯界 陶軍陽 員潭 山根

大岡背 暗阮 疊石 黃阮

木棉村今大畝洋 墩頭亦屬木棉 溪口 千秋門

大住 何宅陽 竹里 陳路阮

元橋 小峴景甯界 盧西景甯界 何宅

後院 石餘坑 黃山 鍾阮

半路 南峯 南阮陽 朱嶺

魏陽 陳莊 下草 葉岸

西岸 東岸 嚴公洋 百丈口

江口 金坑 三尖

以上俱屬舊義翔鄉六十都嶺北以下六莊 係五十九都

江口係五十六都按一都地唐宋明總名百丈

二都統圖一共二村分九庄

莒岡 上村 下村 舉底

葉山 坡頭 湖排頭 岑石

橫溪 番阮

以上俱屬舊義翔鄉五十六都

三都統圖二共三十九村

庫村

潦頭曰侯林潦下曰書石陽皆庫村地

籟陽

翁山

三陽

平陽界

都舖

橫阮

南嶠

包阮

吳源

新畚

曉峴

林泉

新塘

包陽

東灣阮

龍門

古名龍溪

林岸

唐山

朱阮

瑞安界

墳步

毛山

焦溪洋

瑞安界

塗阮

峯門

皇步山

徐阮

排前

下岓口

青田界

嵇陽

青田及瑞安界

莊底

瑞安界

章背

瑞安界

葉社

青田界

勝阮

青田界

黃檀阮

青田界

金鍾

雷滙

馬跡

蟾宮步

南向

青田界

以上自

新畚

以上屬舊義翔鄉五十七都

曉峴

以下屬舊義

翔鄉五十六都

四都

統圖二共五十七村

洪溪

葛陽

上下村即桂峯

建嶺

汪阮

夏家山

貝谷

上洪

下洪

雨源

洪溪尾

下采

水車陽

橫岡

院口

蘇畚

莊前

洪口

燥阮

深渡

陽山

龍潭口

陶家山

小洪陽

碗窰

嶺後

七孤

山交

湯陽

後山

川山洋

橋頭

南山

交陽

楓樹梢

下寮溪

洪院

周院

林山

魚鞏潭

金院口

篠村

東陽

鳳林

長陽

徐島

董家山

竹園

東壘

溪平

北坑

巖頭

五痛

黃監山

均頭

前山

山後

半路

梧桐洋

下村洋

以上自

洪溪以下

屬舊義翔鄉五十八都

洪口以下

屬舊義

翔鄉五十九都

隸村以下

屬舊義翔鄉五十八都

七都

按唐宋時

自龍潭口周院等處統名上草自一都隸莊以下名下草又按蔡氏譜自一都江口以上水港統名

三十
六草

五都 統圖一
共一十八村

戩洲

院口

粟子山

陽尾

龍頭

塍下

上嵐

東陽

嵐底

武陽

羅漢

李陽

池源

盧梨

彭家堡

三門陽

壩頭

前山

以上俱屬舊歸仁鄉三十九都

六都

統圖二共
五十二村

與也

置或

二

是洋

又名仕洋

翁地

葉瑞陽

竹底

內外西坑

洋邊

平阮陽

大小陽阮

樟阮

排頭福鼎界

巖山

陽望

貓竹園

霞浦界

上下排

福鼎界

早洋坪

阮西

茗陽

王家洋

福鼎界

林洋

四溪

北溪

溪源

竹里

薊巖

花園

莘陽

上洋

半溪

東坪

巖頭舊玉岩

南溪

竹溪

陳陽

古名陳營今分上下陳陽

黃甲陽

曉陽

企石

上莊

前坪

淡竹洲

桑樹陽

九峯

葛嶺

東安

篠澗

石門

南陽

俗稱西溪頭

半溪

蘇家阮

斤竹阮

風門

平陽界

以上自仕洋以下

屬舊歸仁鄉四十都

四溪以下屬舊歸仁

鄉三十九都

七都

統圖二內南院南北大安三魁章峰係總地名餘共六十二村

南院

石渡

上察溪

吳家山

彭家山

蕨坪

山頭

南院底

山邊

圳下

楹陽

阮邊

西陽

新橋里

毛陽

彭畚

上下周陽 郝家洋 橫溪 可溪

棠坪 余阨 周邊古名石邦 石嶺

半路 巖阨福安界 宅上 蘇洋

長坑 黃連山 石岑 董庄

舊六安南 步尾 花瓶頭 下塔

坑源底 楊梅坳 黃泥洞 峽嶼

舊大安北 猿嘯橋 窰下 後洋明改華峯

大坵坪 魏坑 南山下 洪嶺頭

舊三魁司 龜岩 小溪邊 西寧

錦溪 詹陽 高陽宋名交陽 油陽

章峯 洋面 霧嶺 溪坪

楹陽 龜伏 車頭 龍漩福安界

菝陽 雙程 魏陽

以上自南院以下并屬舊義翔鄉五十九都上下周洋

及周邊屬舊歸仁鄉三十九都以下屬舊義翔鄉

五十八都三魁以下屬舊歸仁鄉四十都

八都統圖一共三十九村 萬丈深俗黃溪 番庫

上東溪 小溪 駝地 北斗

墩頭福鼎界 山前 梧村 卓宅 梨陽

西陽 高場 梨陽

山茶嵐

牙陽

上村

中村

下村

里陽坪

際頭

上下陽

楮樓院

孔目陽

金獅陽

浦上陽

寮邊

南陽

步下

嶺下

排嶺

福鼎界

埧底

吳家墩

北溪

彭院

隱章

福鼎界

章排

蓮頭

富洋

三板院

石湖陽

平陽界

分水

閩浙界

以上俱屬舊歸仁鄉三十八都

以上村庄悉照舊名編次與舊志稍異詳見林用

霖古今地名辨

附古今地名辨

古今地名原無不變然變必以漸亦必有因故雖俚而益見其質吾邑古地名歷久而漸改者固多可稽然有嫌其太質而強文之者正復不少此多起於前明設縣之後舊志遂多混載其實文字雖改而俗呼仍未改且有因改而混爭山地者誠不可不辨其久而漸改者如古池村以有巡司遂呼為司前古龜巖宋初即有是名後人因前有三峯遂名三魁今乃稱為張宅左近之錦溪曰薛宅高陽在宋名茭陽設縣後改為高平陽志載歲貢劉易爽三魁人則統稱三

魁也而今獨稱爲劉宅梧村外洋則稱爲卓宅東溪
蔡氏居遂稱蔡宅古石邦後稱周邊此則因氏族而
改俗呼久而漸晦其舊古是陽南宋又名在陽屬章
峯里俗獨稱仕而平陽志素起辛注居在陽則因傳
寫之誤遂訛在爲荏也江渡改江渡大畷陽改大範
陽此皆諧音而漸改者如淡竹洲今僅呼淡洲則省
文也莘陽宋時舊名也 國初遭兵燹惟市亭粉壁
僅存今遂并其地呼爲白粉牆又古冊地多載總名
後祇稱其間村落名而失其舊者如今一都木棉池
村一帶唐宋總名百丈又曰百丈林見徐氏族譜及

宋濂文集今僅水口外呼爲百丈口晉陽一帶古總
名毛家山見葉水心集今僅毛山一莊仍舊名洪口
溪唐宋統名漁溪宋時溪旁有董氏居今僅存漁鞏
潭之名而鞏又訛爲充自漁溪上至龍潭口下至江
口宋時總謂之三十六草自周院以上爲上草以下
爲下草今僅存下草一小地名自江口以下至灘脚
古總名龍溪今僅龍門畧存舊名又古名有分南北
後竟離而獨稱者如古大安南大安北今僅南仍舊
北則明時已改爲華峰今俗但稱後洋古南院北院
以水南流入閩者爲南院北流入瑞安者爲北院今

則水北流獨稱為南院而舊南院曰南院底又有奉
 官命改者如古之方村宋時改名莒江見處士吳承
 膺墓碣設縣時孫公原貞命改名莒岡今其地惟方
 村塘方村尾畧存舊名至於木棉改睦源毛洋改豪
 洋葛陽改桂峰箬陽改桂陽上莊改象鐘貝谷改堆
 谷畚庫改積庫霧嶺霧溪改武嶺武溪牙陽改雅陽
 裏莊改里光周邊改洲濱石嶺改瑞嶺篠村篠澗曉
 陽小溪改秀村秀澗秀陽秀溪陳陽改仁陽葛嶺改
 國嶺蕨坪改桂坪彭畚改平畚吳家山改五蛟山豆
 腐嶺改交富嶺彭家山改鵬家山嶺下改嶺夏洪溪
 尾改洪溪美此皆因俗見而強改者尤為鄙陋而舊
 志所載有已改者有仍舊者有諧音而訛以別字者
 且有新舊並列如葛陽桂峰者尤為蒙混故茲錄特
 加更正悉仍舊名以歸質實識者諒之

山川

天關山 廣輿志作天關山舊志及俗稱並作天關
 在縣西北十里高聳入雲為邑主山綿亘二

十餘里各鄉之山多由是分支雲蒸即兩山上有
 龍湫遇旱禱雨輒應南渡時徐少初隱此山後明
 季徐相齡節之亦隱此見寓賢○國朝董正揚天
 關山詩雲來如龍舌澹胡雲歸如幄遮重檐大雲
 小雲觸石出一刹那頃零雨霑有時雨歇雲亦散
 萬松缺處明秋蟾一縷半縷相鈞絡離離欲繞蒼
 官髯茲山特以出雲勝兜羅棉海時露尖龍子所
 居山之頂清冷一勺幽且纖其所憑依不在大旱

與滂與民是占山下每田百頃與漚白稻滋青
 穰南服之南人不到古來誰為著素練譬如貞士
 取混俗姓名并不挂里間坐令天關易天關志乘
 所書心未飲昔者滄桑換塵劫申酉之際明祚燿
 城北美人始到此入山真見潛夫潛小長蘆老闈
 幽德大書特書何謹嚴是時吾祖亦嘉遜棲居廿
 載甘久淹坐對此山稱大隱溪雲一握依筠簾兩
 人志節心相許神交有如鯨與鷄爾時曾否相通
 問尺蹠寸紙無由瞻得非苦衷不可說心欲語
 難為厭我家世居平水曲羣峯羅列排瑤籤茲山
 雄奇尤冠絕空緣如水浮屏翰何况苦節與山峙
 書之頌之真無嫌名山祖德吾所述不初者三終
 不槩○董旂天關山登高詩壯士貪名山如早望
 雲霓吾鄉富山水天關抑首推累歲懷佳遊未得
 遂攀躋丙辰秋之杪菊花正及時先期戒行囊昆
 弟愜招攜吾家有從兄性頗耽幽栖結廬陳家洋
 天關居其西徑作不速客信信兩不疑詰朝理清
 策晨光猶熹微路隨楓葉轉人與竹林齊傾谷如
 懸巖峻嶺如累葛弱攀屢斷徑窄踐許奇我本
 巖壑士蘭足登攀宜臨險亦藉掖數起而數欵後

趾蹴前綑足頓不能移數武坂益仄逶迤同盤螭
 身俯尻愈高心怯神先馳樵子向鄰躅倦客矧委
 蛇所憑勇往志不隨艱苦勵忽來岫如掌足底峯
 漸低天宇已開曠城郭猶迷離乘興復追探行歌
 散煩疲一峯初悅目轉步前峯催去美惜已遠來
 奇望猶希振衣已忘途高峯忽然開孤撐起天半
 傑卓無朋儕萬山齊奔赴到此隄已捉一身出天
 地笑看却婁與龍湫雲欲騰舞鳳翼盡垂九峯相
 吐吞秀色鬱參差微茫閣區歷歷皆可披城中
 昔望山巍巍接天維山上今望城鱗鱗如覆屐始
 知身居高萬象失容儀巔崖越既窮興盡言旋歸
 薄醉忘路險噤于各填篋寒雨暗人家流水濕履
 藜嶺滑落屢跌衣重行每遲可憐滴瀝聲隨我到
 荆扉酌酒還自勸嗒然坐書帷屈屣動魄魄空翠
 猶在眉團詞欲紀遊格格空疑思喜無催租吏孟
 浪猶成題敢效謝瞻詠真愧康樂才夢中尚神遊
 笑負名山癡明年茱萸熟再與諸君期○附林鵝
 望天關山感賦雄關孤嶺一方宗衡霍西來此附
 庸赤縣分疆開下邑青天虛左讓高峯荒城誰守
 先民業落日猶留太古容一代清風人不見南山

同望白雲封。又九日登天關最高頂。詩天關拔
 地幾千尺。倒影山城萬。及碧萬民仰望。卜雨晴終
 年不見遊人迹。問途二十里。而遙十里峻嶺。攀層
 霄拍髀。鼓勇思一試。四五少年欣相邀。九日英囊
 盛。姿餅酒。經徹榼。隨詩瓢。行行出郭西。復北兩三
 村。景各殊。色野田。或割或未割。或畝或豐。視所植
 或擔。或荷。相摩肩。入城輸租。不敢匿。嶺半長亭。接
 短亭。逢人愁坐。聊問程。繞行山足。山轉隱疑。遣雲
 將闕。其精余乃屏息。通山靈。驅策馮夷。呼五丁。眞
 幸上。訪山鬼。驚須臾。雲豁霰亦停。仰視天際。峯峯
 明。攀裳踴躍。忘煩平折。枝披露。循徑上一曲。一峯
 已據最高峯。峯外有峯。入雲中。乃知所見最高處
 遠望。則然非其宗。譬諸爲學。無止境。道起象外。不
 可窮。登峯造極。始徹悟。聖不自聖。非虛恭。同視艱
 難。入山處。歷歷指點。思前功。千百高峯。都在下。無
 與天關齊。肩者高下。千村裏。一城水。田黃白。人烟
 青。頻看目極。境不極。碧宇四圍。一團黑。黑中間。白
 白。轉將奈何。風急雨來。不可止。高呼快哉。吾歸矣。

下憩古庵。據前楹。呼酒大嚼。興未已。童冠雜坐。多
 酒豪。中有樵者。隨吾曹。彼此忘形。恣嘲謔。但輸我
 輩能。題餠憶昔。生長城西。偏樓窗。日對此峯巔。好
 山在望。不能到。孤負山靈。凡幾年。自從匿影。南山
 霧。蝸寄一廬。守邱墓。中年有志。遊五嶽。戀戀一邱
 未能去。咫尺名勝。如不來。空使他年。怨遲暮。今日
 相將。汗漫遊。酒酣耳熱。忘白頭。諸君等。頭期遠。到
 我生。無用如贅疣。但願遠遊。自此始。男兒孤矢。何
 所求。行矣。諸君慎。勿鳳皇山。在縣治後。其勢橫。展
 休五嶽。視此猶一邱。鳳皇山。起伏週。判故名。今縣
 治在。地軸山。在縣南。里許。飛龍山。在東城。外。蜿蜓
 其下。地軸山。在縣南。里許。飛龍山。在東城。外。蜿蜓
 龍舞鳳川。在縣南。里許。飛龍山。在東城。外。蜿蜓
 山在南城內。董氏世居。其下。東北二水。入城。合流
 山。過山前。南出。合白溪水。入閩海。○國朝。董蔚九
 日登霞山。詩。索居逢九日。山上。一問遊。紅葉。西風
 晚。黃花。細雨。秋雁。從寒樹。沒嵐帶。遠峯。浮何。必茱
 萸。酒清吟。萬羅山。在縣署前。孤峯突起。乾隴。未邑
 亦遣愁。萬羅山。在縣署前。孤峯突起。乾隴。未邑

道光間署令陳殿階感於風水毀廢至同治初元

邑紳潘庭梅等重建加閣焉並建義倉於山後

西峯在城西南五里端削特立右麓為平溪董氏

風吹我上高峯蓬萊勝境蓮花峯在北隅十里狀

知何處望斷三山絕島中蓮花峯如蓮俗名五葉

蓮文筆峯在縣南十里外壽甯轄頂有雙峯高出

花文筆峯雲表正當水口望之如在郊外俗名苾

阮尖○按壽甯仙居山在東隅一十五里山綿亘

縣志謂之漸山仙居山十里下為仙居村旁有小

村落上稔山下稔山俱在東北陳岱山去城三十

四莊臨龍潭旁為陽山以上城隅隅二十里

嶺北山去城三十里山下村落十莊西高峯為風門

間兩防粵寇百丈山峻絕奇秀下有龍湫禱雨

於此設守輒應飛雲江源出其下

負山山前為龍負嶺山高番山在池村右溪之源

後分支為南峯山裏莊村之南高岡

下憩古庵據前楹呼酒大嚼與未已童冠雜坐多

酒豪中有樵者隨吾曹彼此忘形恣朝譁但輸我

輩能題餽憶昔生長城西偏樓窗日對此峯巖好

山在望不能到孤負山靈凡幾年自從匿影南山

霧蝸寄一廬守邱墓中年有志遊五嶽戀戀一邱

未能去咫尺名勝如不來空使他年怨遲暮今日

相將汗漫遊酒酣耳熱忘白頭諸君竿頭期遠到

我生無用如贅疣但願遠遊自此始男兒孤矢何

所求行矣諸君慎勿鳳皇山在縣治後其勢橫展

休五嶽視此猶一邱鳳皇山起伏迴翔故名今縣

治在地軸山在縣南里許飛龍山在東城外蜿蜒

其下地軸山橫鎖水口飛龍山在東城內霞

龍舞鳳山在縣右自西而南橫界赤沙山在東

山在南城內董氏世居其下東北二水入城合流

過山前南出合白溪水入闔海○國朝董蔚九

日登霞山詩索居逢九日山上一間遊紅葉西風

晚黃花細雨秋雁從寒樹沒嵐帶遠峯浮何必茱

萸酒清吟萬羅山在縣署前孤峯突起乾隆末邑

亦遺愁萬羅山令趙公徽建亭山巔顏曰巽峯

與地山川

巽

道光間署令陳殿階或於風水毀廢至同治初元
邑紳潘庭梅等重建加閣焉並建義倉於山後

西峯 在城西南五里端削特立右麓為平溪董氏
族居○明邑令范勉詩公暇遊觀路不窮天

風吹我上高峯蓬萊勝境蓮花峯 在北隅十里狀
知何處望斷三山絕島中

蓮花文筆峯 在縣南十里外壽甯轄頂有雙峯高出
雲表正當水口望之如在郊外俗名高出

阮尖○按壽甯 仙居山 在東隅一十五里山綿巨
縣志謂之漸山

村落 上稔山 下稔山 俱在東北 陳岱山 去城三
四里

臨龍潭旁為陽山 以上城隅 隅二十里

嶺北山 去城三十里山下村落十莊西高峯為風門
坳北為龍巖嶺路均通景甯俱有險隘咸豐

間兩防粵寇 百丈山 峻絕奇秀下有龍湫禱雨
於此設守 輒應飛雲江源出其下 鼇

負山 山前為鼇負嶺山 高番山 在池村右溪之源
後分支為南峯山

布銀河瀉飛湍一派從空下 桃浪翻紅雷吼聲春
風三月金魚化永嘉山水古稱美此山此水更無

比吳公諫議出山陰挈家肥遯始居此垂訓後昆
孝且忠况兼勝地鍾豪華簪笏傳家有餘慶林泉

足樂誰 太史峯 在翁山之北下臨深溪莒水之源
能同 出其下山高峭插天如卓筆遠見

百里外中有雷鼓深 簞陽峯 高與太史峯齊連岡
山後十餘莊皆翁姓 疊嶂多竹故名簞陽

山下村 毛山 簞陽對山 塗山 脈與毛山連絡高
皆毛姓 下亦是毛姓 少亞之下有村落

二天開山 高而大幹龍過此至平陽及福甯各邑
莊 前後村落十餘莊左為橫坑山水清

秀土產荔枝味 龍鬪山 下為大溪古名龍溪 卓山
皆以此產獨甘

林岸 天湖山 山頂有池大旱不涸周圍有七十二
村後 泉雷分泉在 山北○周瑞焜七十二

泉詩既分混沌有靈竅天一之生由白 北山 一名
然我擊銅瓶行且汲及嘗七十二清泉 北山 洞背

在江口下流為一二都水口 山半厓中有洞深
不可測昔人避亂其上樵者常於洞中拾得汞石

蓋古銀坑也山後近上坪莊有石峽石柱峯北山
明僧太初於中闢為蘭若名仙巖菴石柱峯之祖
上有大山名天馬石柱附立其旁壁立萬仞上與
雲齊一仄徑盤旋而上至頂後為石柱寨最險僻
昔人避亂處峯旁深谷為石角坑○按瑞安志石
柱山有戴笠巖石柱去城二百二十里即此戴笠
巖在山外溪中詳下蓋緣此山後近大學故獅子
誤編於嘉嶼鄉○附林鶚石柱賦賦見藝文獅子

山在朱阮頭村以上三都

鶴巢山在交陽去縣城十里上古山交山峙危崖交互

下有龍井月山故城一十里形如半月山下君山之前

高崖特聳如笏頂上有寨址昔人避亂其上山下

前後村落約十餘莊○舊縣志稱一峯獨尊四山

朝之蓋天馬山在篠村東舉高十餘里鳥桂峯在

附會也天馬山道通翁山俗名朝天馬桂峯在

陽山多產桂○國朝董正揚桂峯詩無數前山叫

畫眉桂峯村裏夕陽時石橋流水如蒼玉半畝荷

花祭酒祠峯前峯後兩三家寂寂幽宮水雞冠山

一涯知否羊曇掃馬策西風吹泪上蓮花雞冠山

峭壁特立前為洪村後為洪溪橫岡諸村山蓋一

方之望頂有清泉昔人於其巔結寨避寇○國朝

林械樸過橫岡詩訪舊晴過別一村樵夫笑指栗

為門引泉入屋通高壘種竹成林抵壞垣疊嶂霜

侵容漸瘦平溪水漲留痕主人洪口山由桂峯

好是會相識欵客新開北海尊洪口山分支連

巨二十餘里洪溪龍潭葛水交匯其山下村村落

十餘莊唐寓賢徐相初隱居山下小洪○明鮑繙

分疆錄

卷之一

輿地山川

羅漢山在大安金鐘山六莊○舊縣志誤作金字山

牛額尖後山盧梨嶼高路四達各鄉登其上四

阿常見雲海俗謂之望海嶼○按平陽志有盧屯

山與福安界此山在平邑西南正當去福安之中

想係土音屯嶼諸轉之說○附林鶚借同學登望
海嶼詩雪影雲容太古留蠟痕目色冷荒邱直從
鳥絕猿愁處望到天連地盡頭四面螺青千疊擁
一聲虎嘯萬山秋遙知帝座通呼喚還擬同攀五
鳳樓獅子山在羊水口山狀如以上五都

四溪山 古名羅溪在四溪之西又名西山府志載在
中峯正圓如柱餘如肩合四十二峯北聯品山四
水合流南出又云溪南有五峯如老人此山舊府
志作羅溪當是字訛云今按此山形勢確符府
志所載惟所謂品山俗謂三將軍在隔溪之南謂
北聯誤所謂五峯如老人即品山餘峯故俗并品
山統謂之九頭山○宋趙汝同宿羅溪山詩鶯嶺
東遊霽景微碧桃○附林鶚飛熊夫不飲垂潭樹
知有僧人掛浴衣○附林鶚連竹里初來唐逸士
鎖四溪泉四十二峯倒影連竹里初來唐逸士
巖曾住宋名賢喬林南北餘茶竈荒塚高低生野
煙欲覓吾宗訪遺事 品山 俗名三將軍三峯挺立
幾回和泪拾殘編

村在東溪之九峯山 九山聯亘前為儀陽峯九元
旁林氏世居 特九峯上有天池俗名龍旋
湖廣數十畝登峯俯瞰四水周迴數十里村落星
布皆在目前東望沿海諸山如兒孫以外海天無
際雲日變幻 獅峯 俗名獅子巖在儀陽峯之南山
頃刻萬狀 獅峯 頂石突兀仰視如獅登其上
可觀日出峯下為 陳營 砦北連獅峯高峭特雄上
竹溪村斤竹村 陳營 砦北連獅峯高峭特雄上
二村俗名上下 陳陽 宋時為陳氏族居見水心集
山半有石洞清泉出其旁道光時僧法柱即洞中
闢為庵清修力作足不出山懇田 五雷峯 大山下
耕畬以自給借椎魯不識字耳 五雷峯 聯起五
小石峯東溪水出其下 石笠尖 在竹溪村前山
右為石門村清幽如桃源 石笠尖 在竹溪村前山
聳如 觀音尖 古為梅峯在東安村後高聳入雲以
笠形觀音尖 限南北去山十餘里為福鼎縣界
石龍峯 仕洋溪東後山發脈章峯山上為 虎尖山
又名馬鞍山仕洋之南與石龍峯 九曲山 在仕陽
對峙里人饒廷珪有九日登高詩 九曲山 村西南

○鏡廷靈九曲山曉行詩紆行山九曲橫仙山在翁
 訪舊上樟阮回首溪東望村低白霧橫
 有石室在懸崖下光潔如掃可容十人中有石井
 二源不盈尺四時不涸世傳為仙室歲旱禱雨輒
 應今里人即洞外右旁建小亭以為祈禱息憩之
 所○明張慶陽遊仙山詩縹緲疑從天際尋致身
 高在碧雲岑留仙信飛霞近絕俗何須弱水深
 金闕曉寒瓊笈秘石雲秋靜玉簫沉迢然坐嘯巖
 前竹似有霄鸞鶴吟○同治壬戌里人林兆
 雷等復建閣於洞之右崖顏曰靈勝閣有記
 頭山在仕陽○董正掄赤巖山在蓀澗之源上有
 容數十人洞旁瀑布勝於石門一名寶巖宋林逢
 龍避兵於此山口之東有觀音巖石峯端立頂圓
 如髻肩旁一峯如展旗山前村落上下二村○附
 林鷲赤巖懷古詩并跋羅溪東望寶巖撐地僻天
 荒晦舊名新邑早分明景泰故居誰弔宋諸生纔
 披斷簡收遺跡重訪龍湫挹聖清廿世宗風都落
 寞高山獨仰不勝情○四溪山舊名羅溪里人謂
 之西山四十二峯綿亘十里印山蘭若在焉有宋

趙汝回詩古跡蹟也寶巖在東南陳洋尖獅巖之
 麓巖色赤里人謂之赤巖山宋太學家慶雲公削
 籍後居寶巖中其地為古昆陽歸仁鄉平陽志載
 四溪山道里誤從鳥道遂致失攷載赤巖山在邑
 西七十里有龍湫不著寶巖舊名而古蹟志載
 林逢龍故宅在寶巖山亦不言其處故後人無過
 問者道光壬午余讀書篠澗村在山之陽夙耳龍
 湫之勝懸崖絕壁非健兒猱捷者不能登余捫壁
 達其境歸塗援木而下後於巖畔附石磴始與同
 人快遊賞焉然亦未知為慶雲公故居也又二十
 年辛丑修四溪族譜得古冊四溪蓋有五巖北薊
 巖金紫故居見許橫塘先生墓文東白巖謂之玉
 巖提刑墓在焉南梅巖龍巖慶雲公曾祖梅巖居
 士故居桐川太守墓在焉東南赤巖謂之寶巖慶
 雲雷發二公避兵處始知赤巖曉洋山俗名小洋
 即古寶巖重登感慨故作此詩曉洋山平陽志曉
 洋山在西南一百里赤巖山西七十里四溪山在
 南百里方向不錯而道里則誤惟至盧屯山比四
 溪山多二十里似乎相符然去平邑亦不止百二
 十里也又平陽志更有笠帽山縣西百二十五里

謂東為四十都西政和南福甯按舊四十都在今
仕洋一帶或為今之白嶼山及仙山蓋壽甯即古
政和地似為近之然去平邑已百六七十里矣下
又云北青田東北瑞安凡四達則大混矣姑附記
之以上六都

三魁峯 舊三魁巡司東高大過於諸西畧山與三魁
山遂以魁名山左為高陽村西畧山峯並時

晴霽尤章峰 高大特立綿亘二十餘里四旁村落
見秀麗 舊多蔡氏族居山南麓為任陽東為

東溪後為茗陽雙桂山 兩山齊出鯉魚山在三魁
故又名茗陽尖 清秀可愛 鯉魚山巡司水

口其山後聳峯懸脈下過處僅四尺許至溪心笑
起一墩頗方平兩面皆崇崖峭壁山左壁有古石

刻鯉墩二大字右有石自淵底挺立數丈如馬鞍
名馬鞍巖麓頭開岔一石斜出水面石下溪水澄

碧如靛可坐而釣俗傳華峯 在大東山司東北黃
石中有竅畜雙鯉故名 安北東山司東北黃

連山 多產黃連 白嶼頂 前為檀陽石門各村後為
福安界 龜伏交溪淨水各村有古

銀礦霞浦福安壽甯三縣界山頂有湖俗稱天湖
大旱不涸相傳有龍伏其中久晴湖上霧起則有

雷石人山 前有石高十丈許儼若人立故名山下
飛鳳山 在南院山頂尖圓兩 三台山 俗曰筆架山

屏風山 在南院狀如屏風 牛皮嶼 在南院高巒聳絡
則無山與齊經冬積雪不消山中多巖其最 鳴石

大者俗呼為鳥巖遠之儼如鴉立牛背 鳴石
山在毛陽山半有石大如屋擊之 焦溪山 在高陽

銀礦出 金山 福鼎 以上七都
馬頭山 在牙陽之中俗呼陽上尖山勢自西趨東狀

如驛馬昂首特立四面俯臨村落十餘莊
烏巖山 牙陽之北綿亘十里特高為一 蓮峯 牙陽

峯下為 象牙峯 削如象牙 巖山之陰峭 梧峯 在梧

蓮頭莊 象牙峯 削如象牙 巖山之陰峭 梧峯 在梧

馬頭山 在牙陽之中俗呼陽上尖山勢自西趨東狀
如驛馬昂首特立四面俯臨村落十餘莊
烏巖山 牙陽之北綿亘十里特高為一 蓮峯 牙陽
峯下為 象牙峯 削如象牙 巖山之陰峭 梧峯 在梧
蓮頭莊 象牙峯 削如象牙 巖山之陰峭 梧峯 在梧

俗名柳家尖由北而南橫亘分水山右左為平陽十餘里山下村落十餘莊為松山後為邑之入都諸村山腰凹處為關以限閩浙五代閩越戰守於此山下村名干水達蕭家渡可通舟楫宋末陳自中從二王南遷拒元兵於此盡節詳見金華志○宋許景衡分山水詩再歲閩中多險阻卻尋歸路思悠哉三江九嶺都行盡平水松山入望來○陳與義分山水詩曾鼓藍田棹錢倉不足言盡行江左路初過浙東村春在花無跡潮歸岸有痕百年都幾日聊復信乾坤○國朝董正揚分水關詩歐陽開國日畛域此山根水劃重關險天低牛斗分危松生古塔夜燒蕪寒雲棄孺人不識覆船山大石如覆船故名以上八都無事效終軍覆船山大石如覆船故名以上八都

蜂牆石 下為池村出百丈口通衢石狀如蜂牆東有來采船網何曾打得開饅頭石舊有謠云蜂牆不見蜂清如鏡不是樵歌切莫來在都觀音厨巖在二潭右崖石洞如屋遊 **疊石** 山頂有石層疊數十重龍潭者必憩息焉

昔人避亂其中頂上有五色寶佛圖巖太史峯之石其下畧平以上在一都馬跡巖之上流一石立如塔約高二三丈戴笠巖如人上有覆石如笠俗稱笠王謂有神船戶每歲必祭搖動巖馬跡巖又呼為兜笠巖其旁為兜笠潭

邊月印巖 蟾宮步上流石壁有圓痕半在水上在溪月印巖大盈丈影入潭中日光掩映恰如月色村因此得名 **百花巖** 在庫村錦繡谷○宋吳駒又名印月潭 **百花巖** 在庫村錦繡谷○宋吳駒卉四時開不假栽 **書籍巖** 地名書籍陽亦作書石培力天然錦繡堆 **書籍巖** 地名書籍陽亦作書石石疊如蓮花巖在戴笠巖下半里潭水中有數方書函如雞仰啄對面山有石峯高十餘丈色 **巖** 狀如雞仰啄對面山有石峯高十餘丈色 **巖** 獨白通體剝蝕如蠹紋俗謂雞食蠹云 **頭巾巖** 在漆頭以繫船巖兩面有窠俗諺云昔為滄手印巖在洪村大路外巖上石龜巖在葛石牛巖

狀如牛卧 頭巾巖 三門陽後山 觀音巖 藤洞前

以上在四都 腰南趨為交池山 赤巖 見赤巖山 薌巖 北溪上

墓在巖後東山見許橫塘林居士墓誌 玉巖 在四溪

溪東溪巖色潔膩如玉故名其後為雙鳳山 梅巖

右為東坪巖上有玉巖洞天四字見金石志 圓下直入地掘深一二丈如石柱不知石根深幾

許前溪石壁有石刻右山石壁 蓮花石 在葛嶺石

有大篆梅巖二字見金石志 宛然齒齒初開狀內有

立十餘丈四圍花辦鱗鱗宛然齒齒初開狀內有

洞遊者俯身而入其中高敞可容十餘人四壁光

潤似經磨礪 石鼓 在葛嶺柳 獅子石 在葛嶺山頂

亦一奇也 老鷓巖 在幹龍山坳下高 數十丈可望不可即 合掌巖 高山上雙石

肖旁有村落 仙跡巖 在仕陽 高擎如合掌 即名老鷓巖 水口

狀下為竹底村再下為 天梯巖 石參差層疊 仙掌

西阮村 以上在六都 龜巖 在三魁 雞峰巖

巖 在龜伏水口一石卓立 龜巖 狀如龜 雞峰巖

鳥巖 大數丈獨立山脊遠近望 狀如龜 雞峰巖

三褶嶺 在東隅嶺勢盤 麂角嶺 南山嶺 仙居嶺

在北 百步峻嶺 在北隅地名橫阮出石可為硯

何擊壘下有橫阮水澆澆秀氣盤鬱久必洩忽遺

潛璞窺雲巖何人淵識神所啟首解踏天揮霜鏡

截取紫雲片片熱治為墨海登書龕我昔硯譜會

窺覘紅絲首推青州城斧柯青花抑其次最後乃

以羅紋參別有栗岡詠太白復聞鳳味銘蘇髯微

研山晝暖浮晴嵐秋晚老渴吸不竭旋湫方寸神

摩掌十五女著手細膩心為恬松脂試破冰脂涵

一色脂磨礪出水光潭潭美人玉頰春酒酣劇於

詰溫潤不減蠻溪南雖無鵝眼雙波活却有豬肝

物由來藉人顯嘉名一錫藝林談此石晚出世未

以羅紋參別有栗岡詠太白復聞鳳味銘蘇髯微

窺覘紅絲首推青州城斧柯青花抑其次最後乃

截取紫雲片片熱治為墨海登書龕我昔硯譜會

潛璞窺雲巖何人淵識神所啟首解踏天揮霜鏡

何擊壘下有橫阮水澆澆秀氣盤鬱久必洩忽遺

狀下為竹底村再下為 天梯巖 石參差層疊 仙掌

西阮村 以上在六都 龜巖 在三魁 雞峰巖

巖 在龜伏水口一石卓立 龜巖 狀如龜 雞峰巖

鳥巖 大數丈獨立山脊遠近望 狀如龜 雞峰巖

外福鼎界明林田禦倭處舊志作碑嶺○附林
鷲過排嶺族先舜耕大夫禦倭處感賦白日荒涼
起大風黃霞縹緲落遙空亂山缺處分閩越大壑
源頭俯混濛此地巖疆無武備當年血戰有文雄
感今弔古兩朝事
舊恨新愁一念中
左嶺 金獅嶺 番庫嶺 玉

塔嶺 大鵬嶺 以上在八都

環泰皆山山名不勝紀載爰就著名而有關舊蹟者
列右舊志有異名而莫知所指者未敢臆斷仍附於
後以俟攷


錫杖山 南山 俱坊隅按南山各鄉凡數處皆係小地名此謂在坊隅未知何處

馬鼻山 舊作一都未詳其處惟三都有馬跡山山下溪邊石坡有石科數十圓如馬蹄痕故名上鞍橋石亦頗似 蓮瑞山 麒麟山 按七都有

未知即此山之訛否

上無石如麒麟 五山聯立 明山 山巔有五墩狀若俯伏 鳳翔山 山背特起如鳳欲翔舊志五都
居其中 以上謂 鳳翔山 山背特起如鳳
在四都 不知其處

溫州



分疆錄卷之二

邑人林

鶚纂輯

男 用霖續編
同里董憲曾參校

輿地下

山川

太平溪

在縣治前源出上莊入北城至太平橋合東門水過學前出南水門合平溪水過新橋二

里許下第一合葉坪水尾之下合雙港水及赤阮水

至五步溪在城南下有第一條第二條何發飛泉百道

安平溪場第一條詩白溪之水從何發飛泉百道

來寒鏡勢第一條始一束壽藤古木交蘭注人家

花竹抱溪轉真以朱欄青石杠屈曲環流不十里

尾閣一洩驚奔龍垂崖戍削一尺下瞰無底神

為樓石勢處界不受水欲與水爭未肯降十萬龍

分疆錄

卷之二

輿地下

山川

一

卓瞿那七寶幢雲車風馬介而走緊羅奏樂聲錚

旋迦葉戲舞不自禁幻人緣絕都盧壺底寒雲
歸不得與瀑俱飛落鈿下四馬潭釀深綠有依
其藻魚所邦水東諸山界南紀峯峯自開玉女窗
卓筆一峯更秀出雲中竦立蓮花躩下連七際均
險絕如交劍戟羅牙鏑可借蛟急多砥石無由泛
艇浮烟雙探奇已入瘦鮫宅雖有佳勝不可雙落
日野祠爐烟歇松聲謾謾諧飛淙我亦選石松間
坐前村月出鳴花龍又自第一際至第二際俯
觀懸瀑詩隨雲渡溪橋杖策每孤往初沿水驚環
更循石俯仰轉徑出平林勢忽殊間徹鬼斧斷山
骨劃然分爲兩斷映餘鈿開長流此奔盪切谷覆
漏釜垂崖削深盜驚湍隨天風跌宕作奇響歸雲
如柳絮與水俱下上盤渦不見底俯白溪四里溪
瞰迷倘悅應有老蛟蟠曬鱗見或倘白溪四里溪
上爲溪坪村董正揚溪坪詩平田漠漠荒社出
小徑雲含展齒陰獨石危橋通水確古藤荒社出
煙岑落花數片溪流靜啼鳥一聲山翠仙居溪發
深磯上蓑翁看坐釣春風春雨一微吟仙居溪發
嶺北至員潭合嶺下水出三灘合江家山橫院場
院汎水至仙居村下合嶺下放生池水出口合陽

晴橋水與山交水流至嶺根温湯溪在坊左溪源
合洪溪水出龍潭入洪口温湯溪在坊左溪源
連山朱家潭至池村合裏莊三插溪源出景甯桃
潭邊溪至溪口爲白鶴渡源忠溪北溪
東院諸水合流下大住至白鶴源忠溪北溪
渡合木棉水出石函下百丈口溪合洪口
渡水至江口合莒岡水至馬跡下合青田北鄉及
排前水至黃壇坑口合青田黃壇水轉至金鐘潭
出龍門古總名龍溪董正揚百丈文話百環溪在
文百離一難一名龍溪董正揚百丈文話百環溪在
口周繞琵琶岡溪源發於此龍鬪溪在
口山故名琵琶岡溪源發於此龍鬪溪在
村水出江口平溪在翁山之東莒頭水至莒岡合
合百丈水出口平溪在翁山之東莒頭水至莒岡合
以下衆水出洪溪源發於此龍鬪溪在
瑞安界入海諸水出洪溪源發於此龍鬪溪在
陽橫崗半路諸水出洪溪源發於此龍鬪溪在
與仙居水合流下爲魚根葛溪在桂峯外原葛姓
餘里抵漁溪合葛溪水出百丈口溪在葛村
洪口

十里與萬四溪東溪發源九峯山出王巖至莘陽
兩溪合州溪合流西溪發源四都半路過南陽
村梨樹洋水至羅山溪下合諸水北溪合
三都橫坑出溪源入北溪與東南溪合
四水合流下為洪劫潭再出為上西溪合
大安北由戲洲合大溪過章峯合霧溪出
至下東溪合為大溪過章峯合霧溪出
樟院及霞浦南鄉諸水出龍旋潭合雙港溪
甯院底及上標下楊梅洲過東溪頭至南陽
亭合邑城諸水至五步合棠坪水下為葛家渡
石竹州台周邊諸水又過佛潭及深潭渡至交
合四溪仕陽龜伏村龜伏溪源出近山十入海
交溪隔岸皆閩界村龜伏溪源出近山十入海
按雙港溪南流四溪水西流兩溪交匯共出一口
故福安志亦載交溪又按福甯志以此溪源長
六百里故舊縣名長溪又按福甯志以此溪源長
溪不過松樹岡後小澗水與白溪合流未足為交

溪此則兩大溪也東溪即上下東溪上東溪舊有渡
相交真交溪也東溪今里人改造石橋為通入都
及福鼎要津上上下下察溪源南院村南流入山交
龍潭再五里可溪入橫溪合流橫溪之南過毛
合仙居溪可溪入橫溪合流橫溪之南過毛
陽為橫溪合可溪入橫溪合流橫溪之南過毛
溪小水出沸潭可牙陽溪合排嶺水又合蓮頭及孔
出福鼎馬尾溪發源九峯山後出天門下
鼎縣前
入海

楊柳潭在南門外平溪○國朝董正揚楊柳潭詩么

屋雨三溪以清溪何蔚藍雲水潌洞皎鏡皎是為
楊柳之溪潭楊柳依依垂羅萬綠鮮空翠交相涵
時有落花媚溪色一翦春羅萬綠鮮空翠交相涵
潭側平生岩壑窮幽探陽元沈默不見賞使守確
屋誰則堪夜半鬼語亦奇絕似憐此老文思慙百
日一經研古義不作公耳何足慙我酌潭水清且

甘潭上峯色羅玉簪何當結屋潭上住嘉名錫龍
 以曇柯庵杯湖退谷倘相比為潭作銘吾所詣龍
 井在城西五里上下深俱高百丈仙人潭在城西
 潭中有龍湫三處旱歲禱雨於此
 潭中有人坐狀金鷲潭在仙居潭
 象人坐狀金鷲潭有石如鷲君子潭在池村百念
 山村雜憶詩有雲湖頭潭在一莒岡龍潭潭出篠
 飛君子潭之句潭高數十丈旁有石室可容數十人
 東水下瀉入潭高數十丈旁有石室可容數十人
 石壁有古題識○國朝董正揚遊龍潭詩樵跡所
 不到神天閣奇境不圖入山來峯轉得奇騁圓石
 凹為潭大不踰一頃懸流下山天仰矚勞引領側
 注等窪尊不鑿同浪井斫盡此山藤未足當修整
 試以巨石投餘響振岡嶺羣魚作隊來斜斜復整
 整重碧迷藻莎纖紅亂菱荷碩龐擬獅顛修削摹
 鳳頭跳波初見鱗戢水忽沒影幻化疑蛟龍眼光
 射孤罔不敢罩以督誰能采厥皿其旁有石室天
 構逾黝靜將水織成簾以雲幻為屏岩白間蒼苔
 繚若篆文炳仙人之所居百靈此觀省一到俗
 靜捐坐久重裘冷此遊洵奇絕他樂不敢請洞

潭在江口下崖高有石金鐘潭潭旁有石
 洞上流崖中有瀑布狀如懸鐘堯笠潭

在戴笠龍門潭翁山龍井上有員潭在三灘墮
 巖上歇船潭往來泊舟於此銀盞潭漁葦

馬潭在洪歇船潭往來泊舟於此銀盞潭漁葦
 潭旁有村莊宋時為葦龍潭潭下流為潭口村

兩山如壁潭在其稱有龍居焉山交龍井四都溪
 四里靜深莫測昔稱有龍居焉山交龍井四都溪

有龍井二一在蚶嶺一在缸渡溪旁皆石壁深
 窪上有龍湫瀉下深險不可測至此又分上下二

井兩崖陡束灣抱幽閣少見天日尤為奇絕○唐
 吳畦山交龍潭詩兩崖相交臂溪穿混地地臂下

無底潭雲曲尺潭在戩洲曲折如匠尺為里人放
 兩魚龍戲曲尺潭在戩洲曲折如匠尺為里人放

可九龍潭在六都上有九山狀若九龍後即三將
 觀青色大可盈丈浮泳水緯絲潭在仕陽石儂山

上凡三日遠近來觀始逝緯絲潭在仕陽石儂山
 魚凡三日遠近來觀始逝緯絲潭在仕陽石儂山

引緯 石龍潭 在仕陽中有石狀如龍由石龍山下
絲一石柱潭 在仕陽下流溪中一段落宛然水淺
可睹 一石潭 在仕陽下流溪中一段落宛然水淺
際洞 癖甯辭擊伴尋碧潭春釣靜古洞夕陽沈坐
聽風泉響能生道者心鍾 際潭 在七都○董暉際
期不 可作誰為鼓瑤琴 際潭 在七都○董暉際
匹練 倒挂綠蘿陰勝境不在遠我來清到心洞雲
當 合潭水入春深朗嘯松風外寒聲度碧岑
沸潭 在七都石竹洲之下溪至上流兩岸石坡相
中湯 沸亦龍漩潭 福安界有石形若龍蟠潭深不
奇觀 也 龍漩潭 可測土人往往見赤龜大丈餘
浮起 即有八角潭 在牙陽 三重際 封樟杭三重際
暴風 疾雨 三重下重重瀑捲風 山門春不鎖流水
詩石 際三重下重重瀑捲風 山門春不鎖流水
山門 春不鎖流水 山門春不鎖流水

古蹟

吳諫議宅 在庫村

三友洞 在庫村金谷菴右見金石志○宋吳泰和
川紅 看山祇有蒼顏客避世更無黃髮翁明月影
移栖 鳳竹白雲陰鎖臥龍松歲寒三徑人何在只
有孤 梅 寄朔風

錦繡谷 在庫村見金石志○宋包滌錦繡谷詩恍然
開小 天地外渾似畫圖問泉響巖為應風柔雲較
詩量 雄於酒瘠題病已刪

龍鬚巖 在孫村唐寓賢林建初入山
結茅 岩下岩上產龍鬚草

徐子雲宅 在木棉村

薌巖居士宅 在四溪北溪見許橫
塘薌 巖居士墓誌銘

梅巖 在四溪南宋鄉逸林待
價宅 前石刻見金石志

赤巖石室 在篠澗村後山中宋賢林逢龍兄弟避兵處上有瀑布○附林鴉九日登赤巖觀瀑

詩并跋村居意殊愜山屏列曉嶙初聞赤巖奇遊

與搔欲癢九秋豁翳障羣峯競鮮爽主人等榼來

童冠挾我往石徑錯谿碍于披篠蕩漸入路欲

迷再進力已勞攀藤窺石罅忽見石門敞方知奇

境來艱難得心賞掘衣各踴躍猿臂爭搶攘長綆

木末垂危磴踏雲上度險怯無聲漸聞水聲響鬼

斧斲山骨割然勞而兩石丁覆懸崖山腹露平壤

峯頭關駉駉閱室呼颯颯蹲獅睨欲吼飛鳥愁扼

吭頻關何溟濛安坐亦恂恂玉龍挾兩飛鳥愁扼

千丈絕壁束青天白光界圓益特石當盤渦湍下

珠在掌落葉和蕭瑟石笋觸瀉濕天台勝恐難雁

山遜亦儻探此造化奇豪氣一時長看核陳莓苔

列坐雜榛莽歡呼多酒徒高歌慨以慷管絃莫流

泉萬籟動相盪就中狂生狂醉後酒懷蕩長嘯天

風來雲氣隔塵沆猿鶴相招呼乾坤一頓仰恍然

悟前身五百年來曩曩從安期班謫入青蓮驚笑

歸來思渺然猶費十日想○赤巖在泰順六都篠

分疆錄 卷之二 輿地下 山川 六

澗之陰去村三里許緣澗入穿石縫行百武見累
石中洞如門高丈許下可坐十人度門入峭壁百
丈無路可上遊者攀崖捫壁至山腰見石洞如覆
夏屋門方正如楣高約三尋內平如堂中右正方
壁如削左視幽暗石縫見洞後光隔清水一池人
不得入乃由洞門出有階級天然行至水際見圓
石大如車輪者二踏石入洞後登大石可三丈許
圓如珠一潭碧色繞石如環跌坐石巔仰視石壁
束天如桶脫蓋如蛙在井正中懸瀑倒挂入潭聲
窸窣如蟹鳴羣山圍拱皆石如怪獸騰踞者不可
勝紀兩洞外餘地可作亭榭迴廊者甚夥惜地僻
無好事者為之耳初其村人無知赤巖者相傳昔
有避難者梯而入得石室居之故後人競傳其奇
然皆未之見也余性喜探幽初遊捫壁險絕因與
同學醜金作石磴如半塔附壁若梯復垂修綆於
木始得直達其境九月九日偕周芝石明經周定
九楓丹銘丹文學暨同學諸生二十餘人擔羊酒
携管絃快遊竟日狂歌暢飲樂不可支與諸子共
得詩十餘首今十餘年東西奔馳此樂不可復得
每至事不稱意心未嘗不在赤巖水石間也

玉峯廬

在仙居之源。宋處士徐元鳳隱居有玉峯廬。自賦詩二首云：為愛林泉景最佳，結廬峯

頂臥烟霞芳樽時對陶公菊，古鼎聊烹陸羽茶。谷

邃自宜梅作塢徑深雅稱竹為家，抱琴更向松岡

去曲罷風清日未斜。一徑紆迴匝四圍，葛巾野

履正忘歸迎眸遠岫分明見，碎語幽禽相閒飛露

濕蘭叢香滿袖日穿林隙暖生衣。百年夢幻誰先覺，冷笑人間是與非。

林妃故宅

在牙陽今俗名七擔。按林氏譜宋林明

振衣亭

在翁陽宋賢毛予中建見永心集。國朝董

亭無跡有斜暉水懸斷壁猶千仞，山抱孤邨自四

圍秋色蒼然喬木在風流黯爾昔人非，橋邊坐石

清音亭

在庫村宋吳駟建亭下有泉

章峯亭

宋蔡遇王建

白華亭

在四溪南陽宋林丕建為父墓亭有石柱

石亭

在東隅三嶺上明時建

萬羅亭

見上萬羅山

洗耳亭

在南院嶺上左有懸瀑故名。國初建近時

端聒耳聞難禁入山乍聽亭前瀑淨洗纒汚清到心

迎恩亭

在陽春門外明邑台劉桐建今圯

資賢亭

在鍾秀坊

澤秀亭

在鍾秀坊

雙桂坊 在高陽稗嶺隘門內宋蔡遇壬起辛兄弟同登第建葉夢鼎題雙桂坊詩金榜歡聲動地

雷人入爭羨弟兄才魏我甲第撐雲起錦繡文章著意裁吳斧兩經窟下和天香並折月中回輝煌

綽楔高千古瞻仰還當起後來

石壁古書 見金志

玉岩洞天 見金志

明銀坑 在高陽焦溪一在龜伏及淨水

龜伏鑛洞 今曰七

古銀坑洞 在牙陽水口外火熱溪旁石壁洞凡十餘有平入者有上升者有下降者通者深不可測道光初里人於洞中得古刀二想係前人避亂所遺歐朝賜古刀片牙陽山下多奇石石洞長

留古鑛蹟地僻境幽到者稀中有寶刀藏自昔寶刀沉淪百千年邂逅忽與樵夫值拂拭塵土出雙

龍面目本來已莫識歸來竟同劍戟銷鑄為樵器毀其一其一雖存仍向隅棄如頑鐵誰為惜歐冶

後人偶見之楚弓遂為楚人得摩挲錯匪奇製遮莫古是英豪物發憤為雄忘厥勞磨礪不少留

餘力砥礪直費兼旬功爛然寶光始復出陸離眩目映霜華秋水一泓流奕奕寒氣凜烈神鬼驚結

芒閃爍翹魅泣噫吁嘻萬物顯晦原有時此刀胡入儒生室雄心欲試無所施何時出匣逞一擊且

歛鋒鏘傍琴書晦明風雨先生側精英有日冲斗牛世有張雷當物色按此坑在明時四坑之外

未悉開於何時礦洞以此為最古洞外大石磨尙存下流半里許深潭中有銀歷大如斗每秋冬霽

日掩映色如黃金精光奪目又一

義隱樓 在四溪玉巖明遺

古塔 在城東南象山之巔宋

古文祥塔 在城南三里許明時建知縣王介慶重建

浦重
建

皇華館 在陽春門外明時建

塚墓

寓賢陶喬墓在仙居陶家埠

寓賢吳睦墓在庫村侯林宅前

寓賢林建墓在四溪北溪上段後山

韓夫人墓在篠村東巖衡陽

寓賢夏子駿墓在莒岡底

寓賢徐相墓在木棉村古無相寺側乾山下

國子祭酒陶史墓在洪村雙橋洋底

宋

贈大中大夫林韶墓在四溪北溪東山 許景衡為銘見藝文

忠訓郎徐震墓在北門外大貓壩燈花陽古水月 後庵

林待聘祖母贈碩人王氏墓在四溪竹溪石笠尖下

武經郎林望墓在牙陽下村前山 墓志見金石志

太尉曾光墓在八都東溪鯉魚灘頭

青州知府董天慶墓在董壩龍峰峽口

朝散大夫郡馬董顯回墓在縣後後壟尖山下

贈朝請大夫徐浩墓在三灘靈峯寺後 碑見金石志

鄱陽太守徐涓墓在仙居徐氏祠後山

贈朝議大夫林桓墓在四溪薌巖之左東麓

刺史陶璉墓在四都包番車坪

鄉賢毛予中墓在庫村古廣度寺後葉適為銘
見藝文

朝請郎徐履墓在木棉村胡盧峯東麓

朝散大夫林待問墓在四溪竹溪忠臣廟後山

贈金紫光祿大夫林淳厚墓在四溪莘陽舊記誤作
林信厚墓

墓表見
金石志

通直郎林文仲墓在四溪北溪東山

睦州知軍林元仲墓在篠澗菴前壟

進賢縣尉林亨仲墓在四溪石門

無錫知縣林端厚墓在篠澗

上舍釋褐董翫墓在桐嶺菴石梯

安撫徐元德墓在仙居曲尺後

將仕郎林應辰墓在四溪莘陽

江東路提刑林杲墓在四溪玉巖東坪

鄉逸林伯禮墓

迪功郎林豐墓

瑞州推官林庭遠墓均在四溪陳陽

朝奉郎張忱墓在高陽井上朱子晦
菴為銘

建甯令林伯明墓在四溪東坪

宣教郎林庭彥墓

國子監丞林垌墓有碑見金石志均在四溪玉巖雙鳳

信州守林棐墓在四溪竑山墓志見金石志

奉議郎池獻墓在一都池村

司準使張準墓在峽嶼瞻雲菴下

大夫蔡允升墓在章峯洋面

太學生贈閣學士蔡良臣墓在章峯蕉坑

福州司理林克己墓在篠村上坳口

靖江知軍林夢發墓在篠村西巖後山

知縣毛自求墓在翁陽西洲西洋

江州推官林資墓在四溪石門坳頭

提刑林仲黯墓在五雷峯對山

太學生林逢龍墓在五雷峯對山舊志誤作林待問

承信郎林叔魚墓在四溪石門大場坑

象州知州林樵墓在四溪竹溪太平橋

大理評事張雲翼墓在嶺北村尾莊後壟

大理評事林仲默墓

邵武知軍林庭簡墓

迪功郎林坦墓均在四溪曉陽程家坑

上杭令翁日善墓翁山旁洋

石首縣令蔡遇壬墓在高陽稗嶺尾左壟

元

饒州倅林文鐸墓在四溪方坑禪院後山

明

福甯州教官劉易爽墓在戩洲彭家堡

建德王府教授董鵬墓在六都仕洋早洋坪

永定知縣曾顯墓在六都西坑

福甯州知州董鶚在南隅袁家地

池村同巡檢鄭君壽墓在南院屏風山

浦城縣丞董鑑墓在城內萬羅山

贈勇畧大夫林田墓在四溪竹溪祠後山

鄖縣知縣林盈墓在三都曉峴蘇陽

泉州府知事陶宇墓在一都金坑口

海甯縣教諭林德義墓在北隅青龍岡

袁州府同知周家俊墓在一都金坑口

遺老讓菴和尚墓在三都香林寺前

遺老董應科墓在南門外金盤

全椒知縣林一道墓在棹坑樓坪岡

漏澤園

在拱辰門外毛洋坪久地跡無可考

附義塚

縣志舊義塚凡三十三處周圍繞以牆垣有門蹟無攷

三陽坪 舊塚無攷嘉慶初邑令涂大模充置官山爲邑民叢葬所

上稔洪坑 俱在防隅 墩頭均後

霧露口 水井壩大路坪 以上俱

吳桂寮 在二都 古均

際頭教練壇 林畧下橫嶺頭墩

排前底 以上俱三都 篠村尾龜巖後

洪嶺頭計三區 邑人潘鼇創置 上洪山尾牛頭地 以上俱

戩州營頭 五都 泗溪大坪尾

西坑嶺頭亭側 樟坑樓坪

仕洋水口下壩 洋望神後 以上俱

峽嶼石礮橋底 三魁嶺頭坪 俱七都

牙陽大墓嶺後山有圍墻舊蹟

牙陽官路亭 富洋後灣 以上俱

以上皆國初被難遺骸叢葬處

風俗

泰邑在郡西南隅未設縣以前離瑞平治遠山中風

氣非比水鄉民特質樸而野然自趙宋南渡仁風所

被文物日盛禮教既興莫不家詩書而戶紗誦即胡

元數十年科第旣衰民益返樸而古風猶存及明初

兵燹之後舊家益微豪強崛起風氣爲之一變萬曆

分疆錄

卷之二 輿地 風俗

三

府志泰順俗視平陽更質又泰以僻遠頗負固此則
明初之習也舊縣志泰居歐極西山勢高下大小有
序無刻峭頑怪狀水清澈可鑿而鮮奔潰故風土溫
和民質不戾又王瘠民貧男耕女織其俗有唐風蟋
蟀之遺民之秀者齒讓相先雖至貴不相假絃誦之
聲居然小鄒魯此設縣以後之習也統一邑之屬約
而言之誠然然地方二三百里山川雄衍異勢民性
剛柔異質風氣固有不甚同者矧世變時移習俗漸
改樸者日華實者日浮厚者日薄至於今夫豈盡關
氣運實由人心日逐於末而不知返培其本其初始
於一二士大夫繼則尤而效之者衆遂流及於細民
而古道無存矣然物極必反循環之道也吾深願後
之爲士大夫者共起而挽之其不同者雖不能強同
務期漸復於古卽未能出爲天下立殊功而先爲鄉
里培元氣庶不負讀書明理秀民之稱也有心世道
者諒不以余言爲河漢歟

城郊舊爲瑞安義翔鄉五十九都邊鄙出西南十里
卽界壽甯土稍沃宜五穀舊有市故名羅陽鎮設縣
後五方雜處俗渾樸重讀書民多秀至

國朝乾隆間四民皆知禮法士不衣冠不入市不會戚

友讀書尤重經學卽有一二交接官吏亦不敢顯然
出入衙門迨嘉慶後世家子弟遂多奔競廉恥漸疎
文士務帖括習詩詞鮮講經術道光以後勢利風行
禮義僅存其文甚有官長入士人家餐早膳飲喜酒
者士有入官署博奕者此雖由於官邪抑亦爲士者
不知自愛也自是迄今五十餘年漸以人品不分惟
利爲重頭銜旣雜挾勢爲能至有品不在四民之中
居然厠士大夫之列豈細故哉然幸尙有一二讀書
人守法安分俗所謂無用者隱存古道貞不起元其
在斯乎

東鄉外爲三都界瑞平舊隸瑞安土疎重宜稻麥習
樸野務農間有讀書禮儀不習內爲四都土疎浮宜
稻敦朴尙儉重讀書秀者亦彬彬知禮

南鄉

此就閩邑
開方言之

偏東爲六都界霞浦福鼎舊隸平陽
土廣沃習質易畏法知讀書重禮義富者居室漸事
華美

偏西爲七都外舊隸平陽內舊隸瑞安界福安壽甯
土高下厚薄不一習慆巧務農功然多游民少讀書
秀者亦能知禮

北鄉一都界景甯舊隸瑞安土淺沃宜五穀習質樸

尚氣多務農亦有爲商者士知讀書多簡直少禮文
偏西界景壽二邑舊隸瑞安山幽泉深宜稻菽習野
務農鮮讀書禮讓無聞

東北外三都界瑞安青田舊隸瑞轄土沃田少習野
多務農近水者亦事舟楫鮮讀書尚氣誼內爲二都
土衍沃宜五穀習質勁務農昔多讀書講禮法今多
逐末無復詩禮之風

東南外爲八都界福鼎平陽舊隸平陽土饒宜禾麥
習儉樸讀書知禮讓內爲五六七都舊爲瑞平相錯
之地土廣沃宜秫稻麥菽習稍侈務農勤耕作讀書
習禮儀然浮者多而質者少

以上就各鄉舉其大畧而獨不及西鄙者以邑城已
在極西也大抵五方殊秉莫非山川之氣在吾邑一
二三都民其君子莫不剛而直小人莫不頑而野其
在他鄉君子則多柔而文小人則狡而詐此皆氣質
之性惟詩書之澤足以化之所望賢有司崇尚禮教
於上士大夫共敦儒術於下則正人心厚風俗又何
難哉拭目俟之

士民

士比他邑最艱多恃家力培植貧而有志者少惟舊

家雖貧尙能勉力讀書四書五經外少讀傳少講史
學既獲一衿卽事家務或貿易貧則爲蒙師習術數
能有志自立蔚爲文望者亦多困於場屋然頗多自
好謹愿守禮異於浮薄之風

農比他邑亦最苦蓋土多瘠稍沃則租加重非勤無
獲田禾菽麥之外兼種山植嘉慶以前多種藍靛今
則多種蕃薯貧民之糧半恃焉農隙則運魚鹽於他
邑以助生計

工在昔時多來自外地近數十年來則諸藝均足且
多往外郡者但工盛而農功愈艱耳

商在昔時惟靛炭最多常遠達蘇杭近數十年其業
極少惟鐵油竹木茶紙然貨薄貨稀尠有遠出者

歲時

元日擇時開門潔服禮神謁祖祠家供祖先像禮畢
然後拜尊長賀親鄰初四日祀宅神或家有壽人是
歲直大慶者先於除夕家宴謂之暖壽四日內開筵
燕親朋畢集賀壽至誕辰惟家人燕賀而已

上元舊時衢巷結竹懸綵燈今惟人家張燈廟宇尤
盛好事者爲滾龍竹馬魚獸諸燈沿門慶賀旬日乃

止

董正掄新正
七詠見藝文

立春前一日迎春於東郊官耕藉田祭芒神鞭土牛
自前明以來郊外李姓塑牛鮑姓製綵鞭昇牛及芒
神則黃湖半嶺之農至今不替俗有鮑家鞭李家牛
黃湖半嶺擡春牛之謠

清明插柳於門小兒戴柳圈先日以鼠麴葉

俗曰或綿麴

蓬蒿和米粉餡糖爲饅頭謂之燕饘並酒醴以祭先
墓子姓享餒於墓下墓多者至旬日始畢

端午門懸蒲艾飲菖蒲雄黃酒並煎百草湯沐浴以
五綵絲線繫小兒手足曰長命縷又日記節親朋以
角黍香扇相饋遺

六月各鄉以農隙迎社神巡村演戲祭賽或有用上
元及九十月者

七夕舊俗以麵製小餅如人物形謂之巧食婦女陳
酒果以綵線穿鍼乞巧小兒剪去端午綵線擲屋檐
上謂之換巧

中元舊俗用僧道設蘭盆會於祖祠多束紙錢焚薦
守禮之族惟酒饌多束紙錢銀箔爲奠

中秋以月餅時果相饋或邀賓賞月

重陽蒸重陽糕有興者挈榼登高

冬至粉糯米爲湯團食之或於是日祭祖祠

臘俗常以二十三夜祀竈謂之送神是日先掃
塵淨宇數日內親戚交相餽遺謂之送年至正月初
四日祀於家堂曰接神

除夕祀宅神祭祖先換桃符春聯爆竹燃燈謂之歲
燈中宵少長歡飲謂之消夜坐候達旦謂之守歲

服飾

男女俱布衣不尚羅綺近日城俗子弟寢侈靡漸及
於鄉然尚多樸素婦女惟初昏及節序喜慶則飾珠
翠服紈繡平時少事脂粉近日城中亦競相炫耀由
一二紈袴家倡之漸成做俗可慨也

器用

凡倉儲出入惟常平倉用斛餘盡用稱稱惟城中牙
稱天平十六兩此外有一觔重二十兩二十四兩者
有一稱分邊背背重十六兩邊重二十四兩者一二
三都稱有重三十兩及三十餘兩者若東南近閩諸
鄉又有不及十六兩者故物價必視稱爲低昂民間
有升無斛升亦惟近城用之北鄉俱用小方斗較官
升有二升者有升六七合者東南各鄉均用圓木斗
每斗較官升四升米不及斗者用小竹筒量之謂之
除十除爲一斗然大小不能劃一按小方斗上天下
小中界爲二二又

分而爲四左半平分謂之二除右半長短分之長者計三之二短者計三之一長者謂之升短者謂半升假如斗米四十八文左二除各合十二文右長升十六文短升八文亦頗適用近有一都山民闢屋基掘得土穴中多敗穀一小方斗雖朽形全旁鑄貞觀某年製五字則此斗爲唐式今括屬亦用之北鄉界青景故俗相近惟樸陋爲能守古制歟

屋宇

舊俗尙雕刻或用丹堊間架低小今尙堅質規模多高做五間七間者多亦有九間十一間者四院外始用牆房多明亮

飲食

每日三餐蒸米飯士人家間用早粥一二三都麥熟

則兼麥爲飯餘亦有兼蜀黍者自乾隆以後農家多

以諸米爲糧按海外集東坡在僮耳記諸說云海南以諸米爲糧幾米之十六今閩漸多種

諸想由國初徙瓊萬熟黎於內地始家植園蔬旨蓄鹹菜溪魚之外惟

腥鹹春冬數月乃有海鮮家畜雞豚惟近市常宰村

落間非時少烹富足者多蓄醃鮮以備不時之需酒

必家釀惟近市用沽然至十月則家無不釀謂之大

冬酒故有極陳美酒董正揚飲七十二年陳酒詩見味義根齋詩鈔

方言

附郭設縣時安插括人最多至今言語猶近麗水松

遂之音郊以外仍近閩音一都界景甯音卽近景二

三都界青田瑞安音遂雜以青瑞東南各鄉皆閩音
近各縣邊界則尤異南北語言有如秦越又自康雍
以後多汀州人入山種靛遂至聚族而居今皆操汀
音乾隆以後多平陽北港人入山耕種有發族者類
皆 國初由興泉內徙之民故又特操泉音地方二
百里間言麗語雜未有如吾邑者故詳及之

氣候

邑離海二百餘里氣候與瑞平大畧相同惟山鄉高
低不齊有夏極熱冬極溫者有夏極涼冬極寒者二
三十里之內氣候卽有懸殊然雖深山從無嵐瘴惟
自夏徂秋或東北雲起卽患颶風微者一晝夜甚者
三數日必視回雲乃止俗謂之風癡拔木壞稼高處
尤甚每有田稻方實至顆粒無存因成災者

冠婚

冠禮久廢間有遇婚時仿行之者亦不能如古禮婚
舊必擇門第近俗有合庚甲者且多慕勢利媒說合
既諾擇吉備柬啟先致釵釧果品女家備筵延賓擇
父母俱存子弟題庚帖並啟書答之謂之插定至待
年仍備啓致銀錢聘儀一半曰大定請期後如前致
聘儀一半曰送日及期數日前母家爲女加笄謂之

上頭先一夜女家設席餞女謂之起嫁酒嫁日婦入門擇老婦少女引新婦入房改粧竟引至中堂同拜天地宅神然後交拜歸房其夕飲合番杯次日復引至中堂拜見舅姑及尊長輩尊長各致綵儀婦以女紅獻之三朝廟見備筵以燕新婦女賓以次陪席七日入廚房操作平日婦女不見客雖至戚非長輩不見面惟山野農家則不避

喪祭

初喪遍訃親戚小殮衣衾惟謹大殮先設醴饌以奠親族畢集炷香以拜曰送殮既殮後設祭親戚具奠儀奠章以次致奠各以端帛回敬赴弔者裂帛分給之舊多延僧道爲道場誦經三日或七日近鮮行之者

葬惟士人富室用棺壙貧家多沿閩俗用骸瓶瓶比酒甕畧高歿後隔數年檢骨納瓶中以葬士人富室尤多惑於風水至有停柩久不葬比及中落子孫既貧仍以骸瓶葬者雖屢蒙官禁不能止也

祭四時節序於家堂祭祖先父母生辰亦多祭者宗祠歲一祭俗多於中元設蘭盆會遵禮之族祭以冬至或以立春日清明祭墓墓多有祭田子孫輪值備

祭有歷數百年不替者有遠祖基子孫重修復設祭

田者

物產

穀之屬

稻邑山鄉高低不齊惟一三都地氣暖收其餘各都祇一熟類有秬糯晚三種有赤白之分其名甚多最美者秬則曰花秋齊黃又謂之花壳米皆白而軟糯則曰早糯大糯赤芒糯草鞋糯晚稻則曰早晚香晚大冬晚各地稱名不同不可悉數

稷

黍

粟

山稜稻

又曰早稜宜種早地

麥大小二種

蕎麥有甜苦二種

豆之屬

赤豆

黃豆

白豆

黑豆

淮豆

麥豆

刀豆

綠豆

御豆

大盈指色

紅白斑俗謂雞豆又形似荷包呼為荷包豆

阜茨豆

蠶豆

豌豆

俗謂粒

佛豆

一名四季豆

帶豆

青紫二種

扁豆

有數種白者入藥

芝麻

黑白二種

雲豆

果之屬

桃

李

梅

梨

一種類不一有大

如瓜者

石榴

林檎

杏

柰

甘蔗

水菱

蓮子

藕

柿

栗

榛

棗

橙

柑

橘大小二種

白果

楊梅

枇杷

橄欖

荸薺

椎子

朱欒

木瓜

香圓

金柑

禽梨

毛桃

梧子

榧子

物產

物產

三

山荔支 俗名米李 郁李 俗名米李 枳 俗名狗橘 金橘
蔬之屬 芥 謂之苾白菜 苾 謂之苾白菜 芹 水旱二種 薺

葵 蒿 蕒 蕪菜 蒜 薤 韭 蔥
蘿蔔 薯 蕓 茄 蕓薹 蔥

胡荽 筍 萹苳 苦蕒 油菜
蕨 味苦 蕈 茨菰 茭白

瓜之屬 冬瓜 苦瓜 絲瓜 俗名天蘿 瓠瓜
甜瓜 黃瓜 俗名刺瓜 金瓜

藥之屬 白朮 茯苓 土苓 薺尼

芍藥 半夏 鴛粟殼 小茴香 枸杞子

劉寄奴 鹿銜草 卷柏 豨薟草 石斛
土連翹 黑丑 俗名牽牛花 良薑 木賊

獨活 俗名小當歸 土沙參 前胡 似獨活而小
菖蒲 穀精 枳殼 牛旁子 淡竹葉

勾藤 薄荷 紫蘇 有兩面皆者最佳 葛根
澤蘭 茱萸 黃精 以年呼千 松香

芸香 香薷 紅花 黃柏 山藥
百合 黃連 生小澗中 常山 狗脊 骨碎補

藁本 即土芎 大小薊 即牛巴刺根 瓜蒌 白芷

花粉 巴戟即老鼠刺根 花椒 通草

木通 烏藥 桃仁 杏仁 烏梅

貫衆 茅花 茅根 葛花 辛夷

車前子 仙人掌 七厘柳 香附子 五加皮

金星草 蒲公英 葶麻子 五倍子 青蒿

天門冬 威靈仙 土牛膝 土麥冬苗根特小

何首烏 白佛桑 土三七 益母草 旱蓮

蒼耳子 鳳尾草 紫金牛 側柏葉 夏枯草

柏子仁 馬兜鈴根名青木香 桑白皮 地骨皮

穿山甲 桑寄生 山梔子 山查 甘菊花

苦棟 百部 艾 土細辛俗名馬蹄香

橘皮 豬苓 忍冬藤 鬼箭羽 覆盆子

茵陳 馬齒莧 麥門冬 苦參 薏苡

厚樸 女貞子 荆芥 金櫻子 槐花

天南星 土大黃地丁紫黃二花 麥蘖 火麻子

醴陽俗名墨草 元參 蜂房 白龍爪 地錦

蛇退 蟬退 斑貓 金銀花 毛麝產一都各

地及龜伏他處無有為瘟疫聖藥 活石 自然銅 白石英

花之屬 牡丹 芍藥 萱 下簪

茶藨 海棠 鳳仙 長春一名月月紅即北方月季

薔薇 雞冠紅白二種 向日葵 胭脂 菊

番菊 瑞香 牽牛花 紫荊 木槿

山茶 杜鵑即謝 木樨 蘭 繡毬

梨花 蕙 丹桂 桃花 梅紅白二色

荷花 木筆 夾竹桃 芙蓉紅白二種 鐵線蓮

榴花 刺牡丹 鴨舌 鸞翠 佛桑

滴滴金 湯湯紅 百結 秋葵 山笑

金盞 水仙 黃梔大小二種 風蘭

草之屬 龍鬚草生水畔石崖險峻處得之最艱可為席 不知春

馬藍 蒿 芭蕉 蒲 美人蕉

吉祥草 虎耳草 浮萍 蓼 苦菜

馬鞭草 蘋 茜 虎舌草葉多芒如虎舌

藻 蘆 茗 鼠麴草 絡

莠 營 蓮子草 帚 荻

茅 地落蘇 燈草 莎即香附子 稗

雁來紅 仙草 白蘇 薺荔 魚腥草即

風癡草葉似蘆葦有颯風其葉必有斷節土人恒以其斷節驗風癡之次故名

竹之屬 斑竹 紫竹 方竹 翦竹

烏筍竹 雷竹 石竹 貓竹 苦竹

江南竹 觀音竹 塞竹 菡竹 斤竹

簍竹 俗名鈔 壽星竹 每節有壽星頭 盧棲竹 水竹

木之屬 松 柏 梧桐 槐

桂 檜 椿 桑 柘

杉 榲 楊 柳 樟

楓 櫟 榆 槐 楮

桐 冬青 檀 棠 荆

柯 桐 梓 檫 赤楠

山棗 櫻欄 榛 柏 櫟

樸 柞 槌 椒 旱莢

枹 文杏 黃楊 雞絲木 銀豆 檟

檉

貨之屬 茶 竹紙 產一都康熙二十一年江人羅元森遊泰至裏莊見

其地多竹因創為紙後遂及於隣邑其利甚溥 穀紙 俗名棉紙多產於牙陽

花生 錠 蜜 黃蠟 白蠟

櫻 蕨粉 松煤 桐油

茶油 麻油 菜油 苧 葛

絲 蓆 瓷器 出洪口窑布 絹

鐵 松香 陶器 出大陽及包陽

畜之屬 馬 牛 狗 羊

豬

貓

鵝

鴨

雞

禽之屬

鳥

鵲

鸛

鷹

雁

斑鳩

布穀

黃鸝

雉

鴉

竹雞

鴿

鴿

翠

錦雞

鴛鴦

燕 二種

山燕 俗名十

雀

白鶻

郭公

畫眉 黃色白眉者多
白色為最黑次

黃頭

白頭翁

坑鳥

桑扈

子規

鶻

鷓鴣

鷺

紅鶴

啄木

水胡盧

鳥啄

麻雀

伯勞

竹青

錦雀

金銀
二種 百舌 俗名山
和尙

鴛鴦 俗名
水鴨

獸之屬

虎

豹

熊

豺

狼

豺

鹿

麂

麋

麋

野豬

山羊

山犬

山牛

兔

狸

獺

猿

猴

竹豚

野貓

香狸

豪豬

麩豬 即獾

鼠

松鼠

栗鼠

水鼠

鱗介之屬

鯉

草魚

鯽魚

銀魚

鱧魚

即七星魚 鱣魚

鰻

讓魚

鰻魚

鯉魚

鰻

蘆鰻

有大一二
十斤者

鮓

溪白

鱖

軍魚

員眼魚

鱖魚

刺瓜魚

即香魚微香如王瓜

匾魚

石搭

石斑

赤翼魚

珠尾

細鱗魚

蟹

龜種

四脚魚

鬥魚

鱒魚

鼈

蝦

螺螄

蚌

蟲之屬

蛇

斬蛇俗名五步虎烏梢蛇可入藥王母蛇能捕鼠又有彩花山劍青竹兩頭蛇

撲蛇觸水柯表蛇等名

山蟾

蜈蚣

斑貓

蜚

蜂

石蜊

蝦蟆

水蛭

水馬

蝙蝠

蠅虎

蚯蚓

蜘蛛

蟻

蟬

穿山甲

蝸牛

蚊

蜻蜓

蝶

蠅

螢

螳螂

蝸

蟋蟀

蠶

蟻

地狗

飛蛾

蜘蛛

蟾蜍

風蛤


分疆錄卷之二 終

子置錄

...

...

溫州



永嘉縣立民
眾教育館藏

溫州府 函 館

4 2 3 4